

PL  
2687  
W388  
1729  
V.10





生王忠文公文集第四十五卷

知東清縣事赴南役事傳錄人片重錄

邑國學生高芬彥修校

淨絕何七言四

境王文正遺事

太平客題王文正公德真宜有子孫舊國今餘幾喬木

三德陰臨家範碑

宿太平興國寺

此家器不為行旅主正有山里有欲向廬山訪德淵聖

七知君食外秋願為主僧太平人





宋王忠文公文集第四十五卷

知樂清縣事楚南後學唐傳鉉人岸重編

邑國學生高芬彥修校

詩絕句

七言四

讀王文正遺事

太平宰相王文正盛德真宜有子孫舊國今餘幾喬木  
三槐陰滿宋乾坤

宿太平興國宮

此來端不爲行春

未至宮七里有地名行春亭

欲向廬山訪隱淪聖

主如容食祠祿願爲主管太平人

其二



九天使者號真王聖治峯前古道場五百年間聖君出  
太平治效過明皇

自開元至今  
蓋五百年

蓮社

淵明修靜不談禪孔老門中各自賢送別虎溪三笑後  
白蓮流水兩淒然

贈訥老

路人侯溪無故侯梵王祠宇占清幽語言文字真吾病  
喜共維摩大士游

勝書記蜀僧也和予游玄通一詩用贈訥老韵酬  
未向夔門訪武侯禪房杖屨謾通幽題詩况有詩僧和  
深喜廬山得勝游



次韵唐立夫以術者命狀見寄

天下名山欲徧看未能高卧愧陳搏山人誤說潛夫命

只慕冥鴻不慕官

唐詩云試把流年子細看休將蠖屈比鵬搏渠家大有回天力不易區區

作好官

### 湯泉

占得乾坤造化爐地中沸出巧工夫泉猶自作炎涼態

休說衆生垢有無

### 游萬杉院

誰栽沙苑千株柳爭侶廬山萬本杉如欲歲寒長不改

更栽松栢滿幽巖

### 其二



宋王忠文公集卷之四十三  
廬山三百六十所長有神光照萬杉借問山中有何寶  
仁宗飛白字非凡

其三

一水遙分瀑布餘萬杉深處散明珠不知散却珠多少

能買人間富貴無

能珠亭

飛橋

讀東坡漱玉亭詩至月出飛橋東句想像佳境有跳  
入清冷中之興予至開先新橋適成因書一絕

蘓仙詩裏見飛橋欲跨虹霓踏玉腰我到山中虹始見  
揚輝有月印青霄

三峽橋



三峽橋邊杖履游此身疑已到夔州題詩欲比真三峽  
深媿詞源不倒流

其二

灩澦瞿塘在眼前便應從此上青天秋風脫葉隨流下  
疑是千帆出峽船

五老峯

投老山林興已濃廬山欣與老人逢定須容我來同老  
五老峯邊更有峯

玉淵

誰決銀河落半天飛流濺沫五峯前山中草木皆光潤  
知有含輝玉在淵



游楞伽

涉水穿雲一徑迤朱砂峯下訪僧居鳥鳴蟬噪更幽處

中有人藏萬卷書

李公擇藏書之所

其二

老僧元不服朱砂境靜心灰壽自遐廬阜招提三百所

只餘折桂與楞伽

有僧年八十一言廬山諸刹惟楞伽折桂不遭焚毀

其三

藏書閣在已無書山色依然滿舊居留得婦人三墨竹

金鐘聲裡尚扶疎

鐘樓有李夫人墨竹公擇女兄山谷母也

游南山入康谷以不觀谷簾泉爲恨南康李守致

上尊乃此泉名也戲成一絕



不飲谷簾山水徒觀瀑布下長川使君破我游山恨  
酒寄人間第一泉

石鏡溪

山中有鏡石爲臺雲霧深藏未肯開別有一溪清似鏡  
不須人爲拂塵埃

歸宗樅老言廬山有對云簡寂觀中甜苦笋歸宗  
寺裏淡鹹齏予因以湯泉石鏡戲成一絕

參禪得味鹹齏淡學道忘憂苦笋甜石鏡與時爲顯晦  
湯泉涉世有涼炎

開先僧贈石菖蒲

結根拳石伴僧對我還同追眼青莫遣塵埃侵九節

會須重作玉衡星

昨日飯金城觀今日飯石田驛

城縱是金非願得田雖有石尚堪耕欲隨秋雁蕩中去  
却向杜鵑啼處行

宿真如寺

在興國水南山名  
瀑泉有御書閣

迢迢脩嶺踏朱紅

朱紅嶺

林壑深藏古梵宮一閣摩雲藏

宸翰神光長照大江東

其二

白帝孤城在何許遙想西風急砧杵我行初至瀑泉山  
御書閣下眠秋雨

至興國軍

舟中作



一宿真如飲深泉鐘聲催上渡頭船

渡名南市有十里湖

夜來

其二

近涵州郭遠連天明月清風不計錢欲比西湖及西子  
品題須喚舊蘓仙

題懷坡閣贈王景文國正

名質

窮途喜見富川波已覺茲行所得多杭穎兩湖堪鼎足  
兼懷六一與東坡

其二

眼中十里是烟波天遣江山助子多自是玉堂揮翰手  
不應此意久懷坡



次韻

文贈行

聖主龍飛白首郎誤蒙親擢與南牀言多妄發汲長孺  
心不敢邪蘓世長

其二

天涯行客正悲秋那向鷓鴣孫愁處愁

峽中有山名鷓鴣孫愁

歌聽竹

枝劉刺史詩懷慶朔范饒州

其三

吾道從來自不孤果蒙好語慰榛蕪孜孜相勉惟名節  
官職何須校有無

其四

若年方壯我顏蒼敢以宗盟論雁行孝子忠臣公論在



行詩似少陵章

東方寺

漢東方朔隱居之所唐僧智印師道場頂有白蓮池

大冶迢迢接武昌西征踰月到東方白蓮智印蟠桃朔  
仙佛同歸一道場

宋武帝廟

在大冶縣鉄山

規模仍舊晉乾坤遺恨于今失所尊廟食鉄山精爽在  
鑄兵思欲定中原

吳大帝廟

改安樂宮也樊山郎山形如八字鄂渚亦有八字山

樊山八字形長在漢鼎三分國盡墟安樂故宮猶食  
遺民時薦武昌菹

莫潛以尊羹薦杯



蕭瑟秋風送雁回夢魂終夜遶簫臺年家知我鄉心切  
斫鱸羹薦薦酒杯

九日懷故鄉

天涯行客倍傷悲鄂渚登高帽欲吹遙想弟兄行處樂  
幾人同把菊花枝

登壓雲亭贈趙都統

樽

早將忠義立殊勳鄂渚登臨氣壓雲異日雲臺觀畫像  
要須壓盡漢將軍

過金口市江中有渚

名鯉魚甲渚上有蘆花連

遇逆風舟以寸進挽

舟者行蘆中成四絕

江山滿眼似相迎一開人烟問地名舟過已經金口



水流應到石頭城

其二

鯉魚甲露江中渚蘆荻花浮渚上霜月影落江疑是釣  
巨鱗驚躍鷺飛忙

其三

長江十里渺連空逆水那堪更逆風定是江神憐遠去  
欲吹船轉浙江東

其四

江神不借一帆風急水難收寸進功欹枕高眠真有媿  
挽舟人在荻花中

蘆花

宋王忠文公集卷之四十五  
悲秋已過黃花節  
照眼渾疑白帝城  
更類吾家子猷棹  
飄然乘興雪中行

其二

蘆花兩岸風蕭瑟  
渺渺烟波浸秋日  
鷗鷺家深不見人  
小舟忽自花中出

舟中作

竟日舟行無一家  
無邊眼界只蘆花  
花中知有雁多少  
爲我傳書到永嘉

過八疊有小舟賣鰕  
是日風便但江岸  
縈迂疾徐相半

舟經八疊疾還徐  
帆便風高水自迂  
要與麴生談妙理



試呼魚父買長鬚

過畢家池有姓陳者送香橙八顆云有子在太學  
名景初有佛舍額曰永固院臨水而門閉有神祠  
云江南吳王廟必孫氏也

甕間吏部姓名池僧舍人家傍水涯黍熟稻香俱可飯  
橙黃橘綠最宜詩

其二

江上人知我姓名枝頭手自摘香橙一盤來致殷勤意  
儂有兒爲太學生

其三

江東英傑舊孫郎遺烈于今尚未忘猶有神祠枕流水

一間茅屋似昭王

晚過沙灘有漁人舉網得鰯魚二百餘頭橙橘正  
青黃以百錢買橘得十六顆比鄉里差小而味酸  
漁人生計占沙洲一網鰯魚二百頭魚未到家先賣盡  
明朝一網更盈舟

其二

地近荊州見木奴青黃照眼兩三株百錢買得霜前顆  
味帶儒酸似老夫

其三

晚來諸卒競歡呼糴得香粳一斗餘拾荻爲薪煮江水  
船沾酒喫鰯魚



宿王家村

舟行湖北路千里家在浙東天一涯宿處問名同住處  
梅花不見見蘆花

其二

扁舟何日到夔府已泛荆湖半月船誤喜地名同故里  
欲尋鄰舍竟茫然

其三

王家又向此名村只欠青山似左原滿眼黃茅仍白葦  
荒蕪疑是我田園

讀楚東倡訓集寄洪景廬王嘉叟

預恐吾儕有別離急忙刊得倡訓詩江東渭北何曾隔

開卷無非見面時

寄題鄱陽一江亭

一江明月夜歸遲  
瀟灑竺中小范詩  
亭自我名猶未賞  
夢游江靜月明時

再讀楚東集用前韵寄景廬嘉叟

二子聰明曠興  
一尊容我與論詩  
待將後集從前刻  
直到鄱陽送別時

寇萊公祠

油水江頭寇相祠  
凜然如坐廟堂時  
精忠一點不負國  
枯竹知公人不知

宿黃壇



江口維舟問地名黯然撩我故鄉情平時尚怯黃壇嶺

誰遣遙臨白帝城

家之南有黃壇

讀于公堂記寄孫知錄聽伯

于公治獄多陰德溫靖君前止肉刑番水同僚溫靖後  
于公堂記有芬馨

初九日離荆南用夔州船

扁舟經月訴江流又向江陵換蜀舟腸斷一聲離岸櫓  
不堪回首仲宣樓

過虎牙

天遣西來亦大奇眼中渾是少陵詩虎牙銅柱爲我好  
却勝先生出峽時

至峽州登至喜亭謁歐公祠

曾於慶朔親祠范又向夷陵散拜歐昔日四賢今見兩  
慨然遐想舊風流

爾雅臺

隱迹江山郭景純

郡南有郭道山乃景純學道處

學兼儒伎術通神虫

魚草木歸箋注何害其爲磊落人

飯桃花舖宿覆盆

路入桃花桃未花碧溪流水兩三家何年路接人間世  
定作漁人歸去誇

其二

身在籃輿不自安更勞牽挽上天門山中亦有人間月



今夜應須照覆盆

有輿登高以繩牽挽危甚

上大望山鑽天嶺

身到猿啼百尺頭

百尺城

更言前有鵲孫愁試於大望山

頭望望見人間是峽州

其二

豆子山前



墨溪迢迢一嶺與天齊肉身安得鑽天手

肝膽崔巍自作梯

宿千石聞誦書聲

一嶺鑽天到此平夜眠聽得誦書聲莫言此地名千石

萬石宅年或可名

枕上聞鼓角

五更枕上夢還醒  
初聽夔州鼓角聲  
悲壯端如少陵語  
宅時送我更多情

飯周平鋪南北山  
峯巒皆奇有佛頂  
峯鯉魚巖羅

漢洞

又曰仙居洞

說者謂類巫山  
遇雨爲雲霧所蔽不

盡見

未見巫山十二峯  
人言山與此山同  
定知神女藏深處  
正在朝雲暮雨中

過秭歸

晚日寒天過秭歸  
江山點點上愁眉  
况經宋玉悲秋處

不獨秋悲冬亦悲

宋玉宅今爲秭歸縣治

宿巴東縣懷寇忠愍



製錦工夫早不同至今人道寇巴東澶淵一段奇功業  
可在孤舟野水中

其二

堂前雙栢今何在渡口孤舟依舊橫不似公安挿竹處

凜然容貌尚如生

北過公安謁萊公祠蓋枯竹再生處也巴東祠廢可謂缺典因成二絕以

示邑官

初入巫山界登羅護關雲霧晦冥默禱之因成一

絕

西來水陸備艱辛祇爲君恩不爲身爲向巫山神女道  
莫將雲霧惱行人

霧開復成一絕

關登羅護飯郵亭雲霧迷人晝晦冥神女有靈呼卽應  
廓然山色爲吾青

登得勝崗謁武安王關雲長廟有泉一泓俗傳謂  
兵至此無水拔刀刺地泉隨而湧廟西有磨刀溪  
北有晒甲崖

得勝名崗蜀虎臣氣吞吳魏失防身磨刀晒甲遺蹤在  
英魄猶能敵萬人

過風口望巫峽巖嶂如雁山祥雲峯經行峽烟霞  
障

十二巫山鎖白雲巖如雁蕩列江濱誰名雁蕩經行  
定是經行峽裏人



登燕子坡前有一巖在江之旁如天台赤城名爲飛巖

坡名燕子燕思歸巖號烏飛鳥倦飛雲本無心聊出岫

風緣有口故吹衣

風口行雲皆巫山地名

### 初到夔州

某甲中七月至饒州以表謝上云雖才非太公不能  
五月報政然忠猶杜甫未嘗一飯忘君旣而與諸公  
唱和有夔字韵詩果有易夔之命人以爲識方力丐  
祠夢觀八陣圖乙酉十一月朔至夔水落沙露宛然  
在目所歷山川皆少陵詩中景物也因成一絕用楚  
東韵

分甘易守不勞麾夢已先予到古夔識語端符楚東韵  
忠懷雅合杜陵詩

寄劉侍郎韶美

流落天涯老病身歸心一點逐新春故人少借論思口  
放我山林作散人

買山

夔山皆童子買山植木以庇之  
懼芻牧之不禁作詩以告後人

書生爲郡亦迂哉剩買童山買木栽但遣牛羊勿踐履  
宅年定作棟梁材

給水

夔以竹筒引水見于杜詩以義泉名門則知  
昔之爲州者不權水而取錢也予始至聞公  
庫歲收賣水錢千餘緡鈴轄司亦如之予以水資  
民懼後人廢之故作是詩

接筒引水下山陬端爲夔民解百憂長使義泉名不斷



莫教人費一錢求

修壘

夔城頻惡予修之雖雉堞一新然土城易壞有壞城者命屯役隨壞而補則城當固矣

莫將逆旅視居官直作吾家活計看  
牆壁時時爲修葺  
安知勞苦是平安

種柳

東至夔塘西過社壇凡十餘里種柳二千根後人或不斬伐則垂陰聳幹當如柳子厚詩但愧無惠化傳耳

滾水東西十里餘新栽楊柳二千株  
曾看聳幹參天去  
能似甘棠勿剪無

江月亭

江山今古幾英雄割據并吞總是空  
惟有江流不轉石  
千秋長在月明中

登真武山

籃輿曉上小琳宮  
夔子江山指顧中  
道士手栽山上柏  
身猶未老榦凌空

上元山中百姓出游作三章論之

鄰里相呼入郡城  
巴歌楚舞沸歡聲  
三宵游罷同歸去  
勉力耕桑事父兄

其二

三日嬉游喜遇晴  
還家又見麥青青  
但須及早輸租稅  
莫要勾呼到訟庭

其三

好去耕耘隴上田  
但能勤苦有豐年  
家家飽煖身康健



更向明年看月圓

甘露降于宅堂竹間又一絕

竹間甘露口灑灑飴蜜珠璣帶細香  
天閤夔民歲飢饉雨暘時若乃嘉祥

寄書與二叔二弟

八十高年林下老四千餘里夢中家  
雲安雙鯉隨春水爲我傳書到永嘉

其二

左原端是鵲鵲原誰遣分飛到蜀門  
况是清明寒食候杜鵑聲裏斷離魂

元章贈筆戲成一絕

東臺使者妙詩文贈我中書四十君我不善書慚拜賜  
中書今日遇將軍

再酬元章

一尊方喜細論文春艸題詩又送君手握管城言不盡  
詩壇誰復將中軍

又答行可

道造精微更有文絳侯應媿不如君試將武事論詩筆  
句法嚴於細柳軍

訓行可惠白酒

渴懷思欲吸長江聞說西臺釀滿缸一斗青州白從事  
忽隨詩句到蓬窓



五月四日與同僚南樓觀競渡因成小詩四首  
日同行可元章登樓又成五首

蜀江險處是夔州灩澦堆邊看競舟爲報番陽相識道

今年人在此登樓

去年五月四日會僚友于番江樓酒中分韻得月字云明年何處更登樓

遙望番陽江上月

其二

臺前八陣已陳迹水底三閭何處招手把菖蒲對佳節  
興來呼酒勸同僚

其三

番陽夔子兩端午去歲人如今歲人

兩年皆十六人

直是吳頭

來蜀尾子規聲裏弔靈均

其四

榴花照眼對佳客荷葉傳杯懷故鄉想見明年話夔  
又如今歲念番陽

又其一

黍遇今朝盡生角艾從何處忽爲神荷香十里一鉤月  
定有扁舟歸去人

其二

舟人鼓楫呼何在聲似湘沅江上聲更聽劉郎竹枝曲  
不論南北總傷情

其三

細葛含風羅疊雪近臣初拜賜衣時願因角黍詢遺俗



學士寧無六一詞

其四

競渡本來緣救溺  
陵波初不爲爭標  
今人不解古人意  
得勝歸來笑語囂

其五

綵舟兩兩鼓鼙鼙  
勝已山陰灑水東  
父老相逢話良苦  
兒郎多在馬船中

伏日與同官小飲瑞白堂觀跳珠分韵賦詩

瑞白堂虛冰雪凝  
散爲珠玉洗炎蒸  
詼諧未效東方朔  
賦詠聊追杜少陵

伏日懷鄱陽同僚

宋王忠文公集卷之四十五  
去歲番陽四望亭題分十二志同登眼中忽見天邊月  
不謂天邊是固陵

贈裴童子

文公有序規童子將聖猶言畏後生好把五車書盡讀  
五車讀了要須行

王嘉叟和讀楚東詩復用前韵以寄

照眼驪珠光陸離莆田太守寄新詩死生貴賤交情見  
惟有吾宗不徇時

用讀楚東集韵寄元章

誰遣吾儕合又離江山深憶共題詩君舟西上吾東去  
尊酒論文更幾時



懷番陽

一別番陽歲及期  
夔門又見食瓜時  
自慚政拙無遺愛  
空待民心有去思

同官有錄  
民謠見寄

夢覺偶成

早秋良夜月朦朧  
夢覺涼生枕簟中  
數點過雲簷外雨  
一聲落木隴頭風

張主管攝郡秭歸贈以三絕

魏公名德最芬馨  
猶子傳家有典刑  
勉力施行誠與善  
民謠待向峽中聽

其二

女須歸處郡如何  
地狹民貧事不多  
把酒送行無別語

要先撫字後催科

其三

政術遙傳京兆張笑談爲治定循良諸生相見宜相勉  
正是風塵屈宋鄉

葡萄

水晶馬乳薦新秋青紫酸甜孰味優只可堆盤餉韓子  
不宜釀酒博涼州

寄趙果州

九江話別已經年三峽相逢豈偶然預掃江頭禮賓館  
論文尊酒菊花天

寄閻普州



對策天庭老布衣直言中已有危機須知東普勝西掖  
好買扁舟及早歸

送如上人

蜀道青天不易登飄然雲水遇鄉僧芒鞋便欲相隨去  
身縛龕官愧未能

其二

十年作別稽山下萬里相逢峽水西天下名山遊已遍  
好尋潛澗一枝栖

前輩有滿城風雨近重陽句而不成篇九月六日  
遇雨因足之招同官分韻

滿城風雨近重陽準擬登高尚渺茫會見明朝天氣好

宋王忠文公文集卷之四十五  
不教孤負菊花黃

九日登卧龍山又一絕

夔子山高峽天濶騷人宅近剛腸悲菊花上頭不易得  
酒盞到手何須辭

至瞿塘關戲用山名成一絕

取友要如山勝已居官宜似地青簾邊庭未靜尚赤甲  
鼎鼎欲調須白鹽



宋王忠文公文集第四十六卷

知樂清縣事楚南後學唐傳鉉人岸重編

邑國學生王大焜幼昭校

詩絕句 七言五

連日至瞿唐謁白帝祠登越公三峽堂徘徊覽景興  
成十二絕

瞿唐

七日重來白帝城勞生遠宦厭將迎瞿唐莫下金宜下  
興逐漁舟一葉輕

灩澦

水漲瞿唐勢更危舟人貪進只嫌遲天將此石垂深戒

宋王忠文公集卷之四十六  
看取形如象馬時

白帝城

火德重興六合同金行數止一星終鼎分雖愧劉玄德  
面縛肯爲安樂公

越公堂

柱國楊家二世亡越公遺迹獨綿長不能牢固隋基業  
枉費精神在一堂

三峽堂

三峽堂中看倒流沉舟側畔過千舟世途險更勝三峽  
多少人懷積羽憂

石筍



白帝祠前石筍三根連灩澦立相參不知此石能言否  
往事應同老柏談

有二柏甚古

### 白鹽

蜀中鹽井知多少功利端能與海分向使此山真可煮  
商功計利更紛紛

### 赤甲

赤甲城連白帝城子陽曾向此屯兵區區板築徒勞耳  
尚赤由來是漢營

### 東屯

少陵別業古東屯一飯遺忠畎畝存我輩月叨膏九斗  
須知粒粒是君恩

昭烈廟

老臣苦欲爭天下  
嗣子何曾思蜀中  
古屋數椽猶廟食  
傷心地近永安宮

八陣圖

一家天下裂三都  
忠憤填胸出陣圖  
千載相知惟白水  
此心元不爲吞吳

勝已山

私心克盡道方大  
勝已與游名始成  
物我太深誰氏子  
却將已勝易山名

有易爲已勝者見圖經

食柑

蕭山陸橘東坡傳  
夔子黃柑老杜詩  
楚越相望五千里



西州滋味獨儂知

梁彭州與客登臥龍山送酒二尊

五馬攜壺上卧龍  
四夔連騎與游從  
山中古柏歲寒色  
應爲清流作意濃

其二

天祿歸來楊子雲  
酒隨後乘爲論文

梁云舟中  
猶有浙酒雲安麴

米瓶雙玉聊助詩人作小醺

糟鱔薦杯

麴生有理何曾濁  
公子無腸却最佳  
羅饌寧同富兒飲  
帶糟聊慰老饕懷

夢人贈范文正公集

平生敬慕范文正遺像向來祠楚東夢裏何人贈文集  
見公端似見周公

食筍

貧簞又復長纖纖頭角猶藏味已甜吾友子脩三載別  
不知稚子幾根添

其二

著庭食筍記當年屈指交游半鬼仙昔與阜卿員仲諸公食筍於著庭

謹護籜龍無恙否得時想參天  
予昔在著庭嘗禁取筍程泰之有詩

云著庭謹護籜龍兒養就堅高抗雪姿

其三

夔門雪裏竹萌抽味占盤殮第一流深憶江西陳仲舉



如今無復寄貓頭

江西貓頭笋極佳往在楚東阜卿每以見寄

寇萊公取韋蘇州野渡無人舟自橫之句增爲十字見于曾南豐所作公傳則知前輩作詩一言二句皆有來歷予用其說爲巴東祠記有新進士作詩云語當人意爲佳句何與韋郎野渡舟用其韵以解嘲

野水再經吟咏手一般景象兩般舟萊公相業韋郎句付與詩人仔細搜

### 梅雪

同僚文字三杯酒  
臍日江山八陣臺  
冷有人嫌吾似雪  
清無塵染客如梅

十八日迓虞參政于西城竹亭去歲亦以此日送之

兩年此日此江濱又迓向來歸去賓兀坐茅亭竹應笑林間不著送迎人

四日雪坐間有江梅水仙花因目曰三白

孤標相對楚天涯寒不能威意自佳消得廣平公援筆此花真是鉄心花

右梅花

葉抽書帶秀文房玉表黃中耐雪霜得水成仙風味與梅爲弟各芬香

右水仙花



不來平地只山巔端爲民貧故見憐未到立春猶臘月  
忽成三白定豐年

右雪

雙鵲

雙鵲喳喳首向東侶將喜報主人公主人只欲東歸去  
歸作左原田舍翁

予雪詩云不來平地只山巔朱鈴幹和云不能下  
乞俗人憐志在潔已陳知錄云只可在山如去年  
志在恤民王撫幹云散作人間大有年志在潤物  
三子之志雖不同皆可嘉也各用其句作三絕以  
贈之又以一絕自貺

無喧室對山頭雪雪照無喧室湛然高潔似人人亦似  
不能下乞俗人憐

右贈鈴幹

不道世人貧可憐亂飄宇宙濕厨烟居高潤下澤自普  
只可在山如去年

右贈知錄

時哉臍後立春前散作人間大有年會合風雲洒天外  
不須只在蜀山川

撫幹未嘗出  
蜀故勉之

右贈撫幹

在地在山無不可去年今年同不同銀杯縞帶逐車馬  
何侶簑笠隨漁翁



右自貺

十四日登真武山

山中松柏幾經春  
壁上龜蛇妙入神  
羽士相看笑相語  
使君老似去年人

其二

白鹽卓立羣峰外  
真武山頭平視之  
試上白鹽峰頂望  
未知真武孰高卑

其三

瑩煌燈火如星斗  
夜夜人間望此山  
來向元宵燈火  
却移星斗下人間

次韵喻叔奇松竹圖

只應王子猷相愛未許秦皇帝可尋畫我同年作三友  
歲寒節操宰官身

寄巫山圖與林致一喻叔奇

圖書巫山十二峰緘題遙寄舊游從願君仔細看山色  
不似老夫歸意濃

其二

數千里外共明月十二峯頭望故鄉我對此山無夢寐  
夢魂只在雁山傍

柏架

青銅柯葉勝杉松帶得清風下臥龍日莫微涼起高架  
移床却扇坐從容



食荔枝

荔枝初熟貯金盆  
手擘輕紅仔細看  
風味由來太奇絕  
不教容易到長安

其二

妃子園中荔子奇  
莫因名號起猜疑  
清時入坐非尤物  
一洗烟塵賴好詩

其三

詩史堂前種幾時  
輕紅曾入少陵詩  
殊方競續櫻桃獻  
萬樹爭先爾獨遲

十賢堂栽竹

六月修篁帶雨移  
丁寧護取歲寒枝  
十賢清節高千古

不是此君誰與宜

雷聲

雷已先聲雷隱隱雨宜洒道卽紛紛爲言風伯不須怒  
天下蒼生正望雲

聞得吳興

莫年身似杜陵翁流落烏蠻白帝中聖主哀憐不終棄  
乞祠却得水晶宮

別夔州三絕

竭來夔子兩經年恰似忠州白樂天種柳栽花一般意  
愧無名德比前賢

其二



夔峽民淳獄訟稀使君無事只吟詩才疏政拙形容陋  
深媿邦人爲立祠

其三

陣圖入眼渾如夢回首江山又夢間萬里白雲遮望眼

贈牟童子

牟家六歲好男兒誦得夔州太守詩好把五車書盡讀  
早成頭角上天池

七月十七日離夔州是夜宿瞿唐

邦人送我亦傷情楊柳陰中涕泣聲我亦憐夔不忍去  
一宵畱宿舊江城

至東屯謁少陵祠

宦游夔子兩經年未到東屯意慊然  
端爲先生舊吟處不應容易上詩篇

其二

忠不忘君句有神當時無地可容身  
草堂遺像英靈在又見匙翻雪稻新

東屯溪山之勝似吾家左原

東屯別是一山川水秀山青似左原  
我待還家築茅屋作詩招取少陵魂

巫峽

三峽江流七月平全家東下葉舟輕  
陽臺得得收雲雨



放盡峰巒照眼明

其二

峽中七月行舟斷我仗孤忠盡室行寄語後人宜自戒  
莫因幸免遂輕生

其三

正是瞿唐莫下時却將行止問舟師老夫也是歸心急  
不記前吟灩澦詩

神女廟

功開神禹言何妄夢惱襄王事亦非峰下祠荒少人到  
峽中舟過有鳥飛

每舟過有鳥自峰飛下舟人擲餅餌與之銜去復來

黃牛峽

白狗黃牛竹節灘奇奇怪怪幾峰巒山川好處造化惜  
不許人間平地看

至喜亭

歸客來登至喜亭喜歸兼喜峽江平當時作記文章伯  
不止文章得美名

郭道山

學道無成藝有成青山猶以道爲名匆匆不及登山看

歸看家山白鹿城

永嘉城號白鹿有郭公山亦以景純得名

過三沱

舟從三峽過三沱柳岸人家轉盼過莫惜殷勤問舟子  
江邊好處亦無多



魯家汭

江頭烟樹色如故記得向來舟出時更讀西行舊詩集  
集中多是沌中詩

望洞庭

端居灩澦兩經年不戒瞿唐七月船得得遙從洞庭過  
要看湖漲水連天

賈岳州以予阻風致酒肉之贈

軒皇張樂洞庭旁掀舞魚龍撼岳陽卮酒豚肩使君意  
知予肉味未能忘

魚鰕

買得巴陵金鯽魚又逢公子奮長鬚夜來江上秋風起

報道吳兒已鱸鱸

洞庭湖

江山好處未經眼  
人道岳陽天下無  
入筆波瀾自今潤  
胸中已有洞庭湖

其二

維舟便上岳陽樓  
風定波瀾萬頃秋  
聞說洞庭通震澤  
水應先我到蘋洲

讀岳陽樓記

先憂後樂范文正  
此志此言高孟軻  
暇日登臨固宜樂  
其如天下有憂何

君山



恃險三苗此爲國不知諸夏有華勲兩階千羽七旬後  
從此湖山方有君

其二

祖龍遷怒色曾頰帝子有靈山更青湖水如天冬亦涸  
比君榮落一般形

南津淑濟廟

越國曹娥孝可書惜無同氣與之俱武陵今有賢兒女  
弟似靈均姊女須

過仙亭

此處神仙幾度經老松枯朽稗松青如今想作天仙去  
不復飛吟過洞庭

解舟遇風暫泊岳陽城下正對君山

入湖初訝君山遠無翼可隨鷗鷺群  
繫纜中流忽相對江湖心亦不忘君

岳陽城下岸赤色亦呼赤壁

岳陽城下有赤壁照耀洞庭烟水東  
鄂渚巴陵土多赭周郎何處破曹公

道人磯

江中雙石如弟兄呼得道人爲友生  
秋夜扁舟泊磯下洞庭湖近月華明

其二

道人身名兩俱槁道其所道非吾道  
橫江兩石作釣磯



不似嚴陵臺上好

泊潛江甲

屬玉沙縣

潛江甲口楚天涯蘆荻洲中一兩家呼酒敕厨無一味  
天鷺亂眼似楊花

南浦

江淹送客傷心處萬里人從蜀道來柳已三番見秋色  
蕭蕭雙鬢若何哉

解舟風猶未息暫止江口

狂飈未息浪崢嶸江口停舟不敢行自是吾儕畏行險  
前頭波浪有舟橫

游東坡十一絕

道大才高世不容堪嗟尺水困神龍空游赤壁英姿發  
却向小橋詩思濃

其二

出處平生慕樂天東坡名自樂天傳文章均得江山助

但覺前賢畏後賢

忠州東坡以樂天得名

其三

少年下筆已如神文到黃州更絕塵我宋人才盛元祐  
玉堂人是雪堂人

其四

世愛元之重竹樓雪堂名更重黃州西山草木尤光彩  
一一曾經杖屨游



其五

江遶山城柳暗村五年詩亂謫仙魂欲尋遺老問前事  
楚語兒童今不存

其六

再聞黃州正坐詩詩因遷謫更瑰奇讀公赤壁詞并賦  
如見周郎破賊時

其七

供成詩案脫纍囚天遣公來此地游自有胸中雲夢澤  
更居雲夢澤南州

其八

三道策成名烜赫萬言書就迹危疑易書論語忘憂患

天下三經字說時

其九

口誦淵明歸去詞  
岷峨歸去竟無期  
高安難弟來相訪  
細說對床風雨時

其十

批風抹月五經年  
吟盡淮南盡處天  
獨與元之韓魏國  
神交千古作三賢

其十一

向來茅屋僅容身  
今日祠堂高更新  
費盡丹青傳不得  
靈臺一點舊精神

琵琶亭



繫舟琵琶秋水深夜靜不聞琵琶音往來多少商婦怨  
世無司馬誰沾巾

過彭澤

萬里歸舟巨浪間只將青眼對青山青山好處惟彭澤  
出岫雲歸倦鳥還

富文贈桂花

夔有百花無此香

夔州無桂花

兩年官舍負秋光使君元是

蟾宮客贈我數枝金粟黃

望舒山

舟阻清溪十日風旅懷秋思渺無窮開編細讀舒王句

一點舒山在眼中

復州贈舒王絕句一集舟中觀之

淮山

淮山無數不知名山色遙看點點青二百餘年仁草木  
莫令污染犬羊腥

九華山

予過池陽登郡樓望九華僅見一峰舟出清溪始見  
之然猶滅沒於雲霧之間晚泊梅根浦方了了見諸  
峰也朱仲文謂不可無詩因作九絕

九芙蓉自九天來太史南游山未開仙境曾經謫仙眼  
佳名傑句兩崔嵬

其二

舟出清溪尚逆風觀山却得少從容浮雲不礙天邊眼



放出神仙八九峰

其三

我在芙蓉山下家  
四年秋色隔天涯  
如今漸覺鄉山近  
已見芙蓉吐九華

其四

江南一嶽占青陽  
多少神仙此地藏  
聞說仙翁搗藥處

鳥聲依舊克丁當

山中有鳥啼聲曰克丁當時人呼爲葛仙翁搗藥處

其五

九華山下化成寺  
太白書堂高處開  
想見江山無此境  
故宜頭白懶歸來

其六

峰巒列峙神仙境子母相依孝義山莫向山中摘花果  
惜春啼鳥怒人攀

春景人或登有啼鳥曰莫摘花果人或違之方鼓進羣飛厲聲而啼

其七

郡樓初見一奇峰深恐烟霞無路通神母遙遙將九子  
總將山色到舟中

其八

曾見齊山小九華夢游縹緲羽人家靈山面目忽相見  
舟繫梅根秋日斜

其九

日華日子數俱九細看峰巒何許多今古畫工圖不足  
冠卿詩奈九華何

唐蕭建以詩寄費處士冠卿云見說九峰峰下寺白宮尤在下方開其中



幽境客難到請爲詩中圖  
謠來冠卿答以二十韵

途中遇雨

江流渺渺風吹浪驛路迢迢雨作泥  
好把金章換簑笠故山深處把鋤犁

過麻姑山

出郭羣山四望無故將詩句禱麻姑  
忽然雲破山開面天色如春有鳥呼

宿紅林驛遇交代王給事

路入紅林林未紅相逢俱是白頭翁  
郵亭燈火一尊酒明日君西我向東

祠山

宋王忠文公集卷之四十六  
秋風吹客過祠山水出平原礙往還呼吸雨暘神有力  
掃除雲霧見天顏

桐川遇太學三友

歸從三峽過三峰益友三人忽此逢行李稽留三日雨  
天教我輩得從容

驛中阻雨

浸淫秋雨阻桐川無術那能補漏天傳舍終宵不成寐  
點燈重讀舊詩篇

文籍遭水

文書隨我下瞿唐准擬家添萬卷藏水厄那知在平地  
從今既濟要須防



九月一日自道場山如臨安周德載夏廷茂自莘  
村乘舟來訪既別寄以小詩

二十年前舊友生扁舟來訪見交情相看容鬢俱非昔  
記得爐亭笑語聲

九月十三日離仙林

重入修門鬢已華君恩猶未許還家木魚聲動催行李  
蠟炬向人空自花

過東林

地入東林眼界奇神仙遺跡在榴皮湖山如舊無東老  
酒爲嘉賓釀者誰

讀喻叔奇遊廬山詩

前年我亦到廬山杖屨烟霞縹緲間  
萬里東歸如倦鳥不知飛過只知還

其二

路經湓浦嘆忽忽不及從君訪遠公  
忽見廬山真面目在君二十一詩中

送杜姚子才

少年懷橘獻慈親今見黃柑淚滿巾  
同舍故人堂有母可能羅幘不分珍



宋王忠文公文集第四十七卷

知樂清縣事楚南後學唐傳鉉人岸重編

邑國學生鄭漢良沛臣校

詩絕句

七言六

重刊戒石銘

戒石重刊照眼明良辰又遇臘嘉平

夔州以臘日修戒石

黃堂坐

處天威近一點欺心事莫萌

其二

浸淫秋潦壞垂成忍聽間閭愁嘆聲撫字催科勞更拙  
欲逃吏責負斯銘

懷忠堂

宋王忠文公集卷之四十一  
霜嚴日烈與時乖前後姦邪屢見排  
茗雪祠堂境清絕  
孤忠千古有人懷

放生池

畏死貪生物我同仁心要在擴而充  
江湖魚鱉知多少  
盡在恩波浩渺中

次韻錢郎中濠六客堂碧瀾堂二絕

六客高風久已無  
花間誰對謫仙壺  
星躔一夕光芒動  
知有仙舟入畫圖

其二

一樽相對眼俱明  
細話同僚舊日情  
漢世郊官亦華髮  
長無詩句似君清



錢再賦三詩復用前韻錢云家無置錫之地寓居  
僧舍有爲題米疏者

老來官况兩俱無惟有詩情寄酒壺  
紀取碧瀾堂上語  
衣冠早掛亦良圖

其二

無田種秫似淵明却說歸耕似不情  
食粥魯公宜乞米  
不妨千載有餘清

二月望日欲勞農於弁山會風雨作遂出南門因  
登峴山觀窪尊訪五花亭遺跡晚霽遊何山觀讀  
書堂薄暮而還

下山龍欲阻吾行怪雨盲風不肯晴  
但得出郊修故事

此中亦可勸深耕

其二

天遣吾來此勞農要令遺躅訪顏公雖無二十四賓客  
詩酒畧追前輩風

其三

吾欲歸耕竟未歸又吟苔雪勸農詩流錢腐粟慚無術  
稼穡艱難或稍知

金僊院

金僊何處不曾游小小精藍亦自幽有客倦游歸欲速  
可能一宿爲山留

釣臺三絕



聖主中興急用人小臣無術替經綸功名分付雲臺士  
願學先生事隱淪

其二

竊食三州媿不才扁舟又過子陵臺心知敬慕先生節  
乞得祠宮歸去來

其三

山水高長子陵節桐廬瀟洒范公詩又吟處士清新句  
蟬拽殘聲過別枝

過老鼠岐

去年灘下黃牛峽今日舟逢老鼠岐莫待巖崖起波浪  
可無天定水平時

泝婺溪同年雍堯佐周堯夫同王與道尚書子姪  
拏舟來迓

路入雙溪暑氣清故人短棹遠相迎隔船認我疑非我  
白髮當時尚未生

挽錢堯卿

字熙載舉孝廉

渾金璞玉古淳儒一卷周官用有餘諛墓紛紛琢山骨  
惟公無愧蔡邕書

戊子八月二日得泉州

五年符竹換三州乞得祠宮欲少休名姓謾蒙君相記  
泉南千里又分憂

贈程天祐秀才



程生嗜好與人殊杖屨遙遙訪我廬不踏槐花隨舉子  
手持醫國惠民書

宿雙巖寺

崎嶇九嶺更雙巖遙望閩山未見山來訪神鍾隱見處  
翠微深鎖古精藍

宿囊山寺

荔子枝中古道場石門有路探懸囊忽忽不著游山屐  
只辦嵩呼一瓣香

其二

我來萬籟正號風壁上觀詩憶蔡公惟有秋林舊時月  
夜深猶照梵王宮

燕七邑宰

九重宵旰愛民深令尹宜懷撫字心今日黃堂一盃酒  
殷勤端爲庶民斟

貢院車水築基諸公懼魚鼈活之別沼

塞沼增基大廈成群鮮亦免校人烹洋洋園圍諸公賜  
要與吾君廣好生

出郊勸農

守臣憂國願年豐半刺雙鳬此念同安得時暘時雨若  
有生均在泰和中

其二

麥含花大麥黃一年春事已相將籃輿遍入三精舍



撥得公家半日忙

其三

六年四郡勸農耕自欲歸耕尚未成  
游宦何如在家好  
一廛從此願爲氓

其四

二千石俸竊南州老病餘  
生厭宦游已上祠章卽歸去  
一犁烟雨事西疇

題靈秀峯禪院

小小精藍亦自奇  
一峯靈秀蘊幽姿  
無緣細聽山僧話  
太守偷閒止片時

送九座訥老

宋王忠文公集卷之四十一  
禪老遙從九座來一言爲我洗塵埃飄然又向山中去  
白首相逢更幾回

其二

至樂亭中半月留溪山杖屨共尋幽見師忽起廬山夢  
夢向舊時游處游

夜聞子規痛念亾者

夢覺音容杳莫追子規聲裏涕沾衣催歸無計同歸去  
耘後耕前事已非

悼亾

燕寢焚香老病身細君相對坐如賓而今一榻維摩室  
唯與無言法喜親



其二

不見音容忽三月無從涕泗已千行  
家山準擬欲歸隱堪嘆相隨無孟光

其三

偕老相期未及期回頭人事已成非  
逢春尚擬風光轉過眼忽驚花片飛

其四

夤緣偶作于飛侶夢寐相隨到數州  
泥上迹留鴻已去舟中刻在劍難求

游承天寺後園登月臺贈潛老

三徑荒蕪未許尋籃輿來訪小園林  
因知燕寢凝香地

不侶禪房花木深

其二

月臺無屋有空壇  
空處觀空眼界寬  
不惹世間塵一點  
冰輪心鏡兩團圓

送賈巖老還鄉

閩江艱險嶺崔嵬  
不憚衝寒冒雪來  
留我鈐齋兩二月  
扁舟載得義風回

其二

堂上慈親數月違  
片心遙逐白雲飛  
傷心忍聽秣歸鳥  
難弟言歸姊不歸

巖老聞姊歸  
遂起歸興

其三



乃翁賢德冠吾鄉伯氏聲名藹上庠更喜君如里曾子  
少年孝義已非常

送巖老出北門

暮春送客北山門厭坐黃堂喜見村麥熟秧青農事急  
十分歸興在田園

其二

客欲東歸出北門又聞聯騎過西村慇懃爲遣十從事  
莫惜醉吟祇樹園

曹夢良寄柑聞詩聞禮輩取以祭母哭泣不已

嘉果遙來自故鄉去冬初熟記同嘗爾銜懷橘無窮恨  
我亦傳柑念不忘

夏四月不雨守臣不職之罪也將有請於神雨忽

大作陳賀州有詩贊喜次韵以酬

字體仁

不是尋常喜雨詩言存軌物類臧僖相將歸賀天朝雨

定有忠言結主知

白樂天以賀雨詩諷諫

其二

郡人方切望雲霓忽見高田水入低正好歸田飽黃犢  
不須騎馬聽朝雞

其三

賀州賀雨句如何不減夔州夢得歌更有一犁江上曲  
宅年傳誦出金坡

其四



政拙年年厭禱祈  
心香一炷逐雲飛  
老農問我何良苦  
薄有田園胡不歸

其五

刺桐抽葉張青蓋

衆人以刺桐先葉後花爲豐年兆

紫帽蒙霞麗錦籠

俗謂朝霞暮雨是日雨作朝果有霞

今歲家家定高廩多苗寧復羨良農

東湖

二公亭插菱荷間綠蓋  
紅粧四面環若把西湖比西子  
東湖自合比東山

愛松堂

炎炎畏日愛濃陰  
穆穆清風愛好音  
不獨愛松兼愛竹

此君亦有歲寒心

松之西有竹

食瓜呈知宗

荔子勞民疏伯游蒲萄釀酒博涼州  
何人傳得東陵種  
大勝家封萬戶侯

安靜堂

前賢治迹尚堪尋  
留得堂名直至今  
若欲斯民盡安靜  
要須安靜自家心

中和堂

堂前老木幾經春  
閨綸東南舊守臣  
盡向中和堂上坐  
中和爲治有何人

雲榭

山生雲榭地榭侵雲土  
木多應役鬼神好  
向危欄高着眼



開闢無限困窮人

二山亭

連年行役厭間關  
踏遍千山見二山  
欲識泉南山面目  
群山總在一亭間

清暑堂

九夏炎方氣鬱蒸  
沉沉廣廈有涼生  
仁風未慰黎民意  
何忍堂中暑獨清

丁惠安贈肉蓯蓉

康臣字道濟

老子當歸興已濃  
令君何事寄蓯蓉  
行將卜築前湖去  
簞笠牽牛作老農

往年同泛舟城南有卜築之意

知宗送玉友酒

鈴齋晝寢夢初醒忽見雙鸞眼欲驚誰送衾頭新玉友  
人言天上老宗英

林濟世傳贈蒲中荔子名狀元紅分送陸倕陸有

詩次韻

林名孝澤

譜中不見見屏中

州宅荔支屏風中有此名蔡譜無之正與花王雅目同

牡丹亦別駕破荒吟好句少陵詩裏擘輕紅

提舶送荔支

借用前韻

舶臺丹荔新秋熟風味如人自不同名字未安真缺典

從今呼作馬家紅

舊已有名馬家綠者

州治有忠獻堂以韓魏公始生得名廢於俗吏更

以清暑今復之



相出相州生此州巍巍勲業宋伊周後人莫要輕更改  
別有堂名勝此不

寫真自題

顏蒼髮白少精神傳得泉南老病身莫著金章著簪笠  
丹青寫出更須真

士昭贈寸金魚子

三印子魚猶未食寸金魚子輒先嘗鄉人得得分鄉味  
轉使鄉心念故鄉

荔支七絕

陳紫

端明品第首推陳花裏姚黃是等倫郡圃二株稱小紫

故家風味自宜珍

興化所題及郡圖所生者皆小紫也

### 江綠

枝頭已熟疑非熟蔡譜江家綠荔支真與泉南人物稱

果中猶作亞魁推

泉州自龍虎榜以來多出第二人江綠在譜中爲第二

### 皺玉

莆中皺玉價傾城品第吾何敢妄評只恐此非真皺玉  
果然是玉亦虛名

### 大將軍

荔支名字太紛紛所見多應不逮聞別有深紅霸群品

郡人呼作大將軍

郡圖荔支以大將軍爲冠

### 玉堂紅



天教尤物產閩中名氏新奇日不同顧我素稱田舍子  
如何敢啗玉堂紅

奪先紅

閩中荔子  
莆中闕下奇包又不同正向鈴齋想風味  
奪先人送奪先紅

七夕紅

宅堂荔子無名字自我呼爲七夕紅記得去冬初到日  
家人拈樹語衰翁

郡圃有荔支名白蜜者熟最晚戲成一絕

紛紛蜂采百花歸蜜在枝頭竟不知造物要令甜在後  
時人莫訝熟何遲

觀貢院畫春景圖

梁棟翬飛氣象新  
畫工妙思亦通神  
要令寒士皆春色  
四景之中獨畫春

愛松堂前有綠竹  
一叢可愛旁有鷹爪  
花頗碍眼  
移去之

窻前栽植不宜繁  
松竹相依妙意存  
不許閑花放鷹爪  
要看高節迸龍孫

九日登雲榭

九日無悰懶出關  
強登雲榭望泉山  
傷心不忍看茱菊  
蓬髮蕭疎淚點斑

御書閣



黃龍溪上祥雲覆紫帽山頭瑞氣蒙俗眼驚傳佛光現  
不知宸翰在山中

思古堂

孤嶼游人思謝公天台禪客亦思豐國清有思豐堂黃花境界  
誰思古堂在烟霞縹緲中

善利王廟

有德於人廟貌崇我來端爲謝年豐曰暘曰雨皆神力  
不止南風與北風

晉時松

孤山陳柏已物化九日晉松猶後生欲問東南兩朝事  
風枝瀟酒侶談清

秦君亭

山中高隱欲逃名不謂名隨隱處成鑿石一泓詩數首  
也曾攻破五言城

姜相峯

相國忠如宋廣平危言流落晉江城天資自直無心賣

何事青山亦得名

明皇謂宋璟德宗謂姜相皆有賣直取名之語

無名木

一木蒼然老更奇肯將名與世人知我來不具知名眼  
深愧平生不學詩

姜秦像

舊在延福寺中後易之立前守生祠而遷其像於西山石佛之下前守乃改忠獻堂

額者



郡侯不識國元勳釋子那知妾與秦隱士有靈應撫掌  
相公死亦不容身

陳公祠

名備字君舉

九年地幸而年祠民自元豐結去思善政在人宜有後  
堂堂忠肅見公兒

蔡端明詩

賢侯去久迹猶遺乞雨詩奇字更奇世俗妄論公政猛  
愛民心有彼蒼知

石佛

卧草埋雲不記秋忽然成佛坐巖幽紛紛香火來求福  
不惟前時是石頭

聚秀閣

滿源幽遠水流長九日溪山更異常  
高閣摩雲聚秀氣

擬鮑參軍  
遊巖桂

晉堂巖桂晚秋芳濃綠枝頭萬粟黃  
堂上主人分贈我要令燕寢有天香

去年

去年今日別吾家我髮蒼然尚未華  
日侶去年人不見

不求人

一名如意

才爲指爪木爲身搔痒工夫似有神  
老病不能親把握



不求人又却求人

觀郡守題名

春秋美惡不嫌同老子韓非一傳中壁上題名二百輩  
卓然名世兩三公

龍眼

絕品輕紅掃地無紛紛萬木以龍呼實如益智本非藥  
味比荔枝真是奴

金橘

黃柑綠橘未分珍瑣碎登盤輒獻新正可呼爲木奴子  
不知誰是鑄金人

食薑

辣皺人眉性最良藥中功效不尋常吾儕自是生無智  
夫子何曾食徹薑

食芋

我與瓜蔬味最宜南來喜見大蹲鴟歸與傳取東坡法  
糝玉爲羹且療饑

夢二叔

二叔年皆八十餘經年不見久無書江山不隔還鄉夢  
昨夜迢迢到佛廬

次韻提舶見招

江梅初破一陽天詩句清新欲闢妍呼我同來飲文字  
定扶衰病到尊前



其四

賣刀買犢慕龍遂重穀務農思魯僖僚友共懷憂國願

守臣非皺職田眉

北齊詩皺却眉頭憂旱  
澇一心只在職田中

其五

無術能銷旱魃災吁嗟求雨只空回鰕生豈是爲霖手

明日真人出洞來

鎮江請  
蔡真人

其六

萬歲名山兩度來精廬瀟洒絕塵埃禪師妙得兵家策

杖屨飄然去不回

謂長老  
師

其七

荔子今亡法石白

法石白見君  
謨譜今無之

江山長帶佛頭青老僧

宋王忠文公集卷之四十一  
能說陳王事遺家猶傳女子靈

陳王女葬法石僧云時出靈響

其八

一徑通幽亭面墻鳥啼林靜木蒼蒼碍人眼界宜斤斧  
放出山光接海光

食筍蕨

葉飛卿見贈作羹甚美因成是詩

犢角兒拳共作羹大勝五鼎八珍烹要須歸陟南山采  
更看新移小竹生

先人嘗作蕨詩有陟彼南山采句嚴伯威詩云新移小竹已生筍皆家鄉

故事

李伯時贈英石

英石來從並玉堂鈴絲几案聳鋒鏐平生性有好山癖  
袖得兩峯歸故鄉



曹夢良教授寄柑一百顆報以乾荔支戲成二絕  
故人書自許峯來領得黃柑手自開未滿洞庭三百顆  
更看馴使一枝梅

其二

絕品知君尚未嘗三山絳帳喜相將冷官豈是淹賢地  
尤物聊觀十八娘

寄崔肅之

懷州別駕生賢丁盤谷先生有外甥暫屈才能居筦庫  
會看騰蹋繼家聲

知宗贈驢肉以脯肉酬之

不駿於乘合見烹

韓文不駿於乘謂驢也

鈴銓指動荷分羹區區

臠肉非相報正恐公爲孔子行

出郊觀農飯蔬于法石僧舍時方閔雨有無麥之  
憂因成八絕

清源太守髮如蓬未遂歸農又勸農農事正興天不雨

誰能喚起老黃龍

郡城之西有黃龍江

其二

二麥青黃雨失時老農相顧但嗟咨使君徒用虛文勸  
稼穡艱難未必知

其三

我昔躬耕隴畝間也知農事最艱難才疏政拙心勞甚  
無補於民合掛冠



送潛老赴東禪

駐錫清源十五年月明臺靜忽飄然禪心莫爲東禪起  
南北東西總是禪

其二

難弟難兄漢二龔袈裟縫掖各清風淵明已遂歸田願  
蓮社行將訪遠公

得葉飛卿書因寄貢院碑

大字雄文照眼明親提一軸寄松廳千間廣廈能宣力  
何止區區不負丞

貢院之役飛卿與陳節推董之

薦新荔支

晚年游宦到夔門兩見輕紅荔子新不似故園拾羊棗

向來猶及遺慈親

早起

老欲投閑尚未成  
膠膠擾擾厭餘生  
方成枕上游仙夢  
忽聽窻前喚起聲

刺桐花

初見枝頭萬綠濃  
忽驚火傘欲燒空  
花先花後年俱熟  
莫道時人不愛紅

丁謂詩只愛  
青青不愛紅

大年游延福寺

去歲曾游九日山  
忽忽不暇盡躋攀  
煩君訪我不到處  
好把詩篇載取還

朱利花



日莫園人獻寶珠化成千億小芙蓉使君燕寢無沉麝  
堂北清香自有餘

吳宗教惠西施舌戲成三絕

吳王無處可招魂惟有西施舌尚存曾共君王醉長夜  
至今猶得奉芳尊

其二

博物延陵有令孫不因官冷作儒酸珍庖自有西施舌  
風味堪陪北海尊

其三

長記還家屢擊鮮南來歸興日飄然不緣樽俎逢西子  
始泛江湖范蠡船

寓清源驛

兩年繆作清源守不到清源洞裏游天恐孤予遠來意  
驛中聊許少遲留

枕上聞雨聲

枕上微聞點滴聲皇天有意救蒼生雖然未作商家雨  
已覺炎方暑氣清

聞角聲

角聲已作送行聲更向瀟瀟雨後聽明日出郊聞更遠  
回頭忍見二山青

贈林尉致約

紅顏白面神仙吏好學苦吟真我徒政事文章有家法



宅年呼作小龍岡

臨行至貢院觀桂贈致約

竊祿濤源媿不才  
貢闈臨去尚徘徊  
青青萬本新移桂  
盡是梅仙手爲栽

宿寂光院

青山環繞如盤谷  
中有清幽佛子家  
人昔共來今不見  
數行老淚濕烟霞

陳德溥以百韻詩送別因贈一絕

幕府游從一二年  
送行越境繼前賢

陳季常陳後山皆越境送東坡筆

頭皆有珠千顆端似少陵夔府篇

越境送別者七人  
蔣元肅黃少度鹿伯可趙元序

陳德溥葉飛卿林致約少酌驛舍

同僚送我楓庭驛共酌臨分酒一杯我念泉人仍惜別  
此身雖去首頻回

題莆田林氏雙闕

唐室遥遥孝義門屹然雙闕至今存當時泣盡思親血  
化作恩波遺子孫

過頭陀九嶺宿天王棲林二招提因成三絕

凌晨飽飯渡秦溪

溪一  
名秦溪

要上青山九級梯不使蹶閭

隔人世頭陀力與五丁齊

其二

千里歸途險更長眼中深喜見天王從今漸入平安境



舊路艱辛未敢忘

其三

我如倦鳥欲棲林喜見禪僧棲處深  
家在梅花小溪上  
一枝聊慰北歸心

宿五峯院

萬法由來總是空五峯名在本無峯  
我來遙作廬山想

隱約夕陽開處逢

州芝山有五峯亭望見廬山峯也  
范文正公詩云五老夕陽開

贈亮首座

雪頂顰眉八十餘五峯深處結精廬  
閱人老眼能清白  
贈我嚴公一軸書

梅溪草堂新聞缺少花木効少陵故事  
覓之以詩

小小園中十八香主人遊宦遂荒涼名園草木多奇品  
分我餘根種草堂

其二

閑中那得買花錢孤負桃紅李白天拈出向來花疏目  
招邀春色上詩篇

可公禪老住泉之九日山二十年矣予臨罷官求  
去甚力復爲後政所留寄詩酬以一絕

泉山好處稱延福白髮禪僧去復回且與晉松爲隱侶  
莫同英石便飛來

可以英石見  
寄號飛來峯

題淨名院二絕

淨名却見老維摩

長老

道眼相看語不多我待衣冠



掛神武杖藜來此老巖阿

其二

谷中有川露蛾眉水織珠簾更絕奇滿川峯巒觀未盡  
有僧攜紙覓題詩

宋王忠文公文集第四十七卷終

卷之三

先之

三

金



宋王忠文公文集第四十八卷

知樂清縣事楚南後學唐傳鉉人岸重編

邑後學施元孚德交校

詠史詩

伏犧

太古民淳事簡稀聖人牛首號包犧如今四海皆人面  
心似山川更嶮巇

其二

六畫中含萬象殊洪荒一變遂歸儒河圖不授包犧氏  
民到于今日尚塗

神農

民食腥膻鳥獸同那知土穀利無窮後人只祀勾龍棄  
誰念艱難起帝功

黃帝

百年功就蛻乾坤鼎冷湖空跡尚存別有慶源流不盡  
皇朝葉葉是神孫

唐堯

仁德如天帝業隆四凶不去付重瞳當時黃屋如傳子  
千古那知揖遜風

夏禹

洪流浩浩浸寰區民雜蛇龍鳥獸居長歎當時微帝力  
蒼生今日盡爲魚



啟

堯舜與賢真可法夏王傳子若堪疑謳歌自屬吾君子  
不是當時禹德衰

少康

虞仍靡艾共輪忠一旅中興復禹功較德宜優漢高帝  
知音惟有貴鄉公

桀

大禹辛勤造夏邦子孫何苦事淫荒國亾不悟生平罪  
翻悔當時不殺湯

成湯

天乙興仁獸網中鳴條一戰遂成功歸來猶自懷慙德

事與唐虞已不同

高宗

須信精誠可動天  
高宗一夢得真賢  
濟川不賴良舟楫  
安得中興五十年

紂

釀酒爲池肉作林  
深宮長夜恣荒淫  
何如早散橋倉粟  
結取臣民億萬心

周文王

民疾商辛若寇讎  
三分天下二歸周  
文王終世全臣節  
不念前時姜里囚

武王



八百諸侯會孟津民心天意總歸仁須知不食干戈粟  
自有登山采蕨人

成王

姬旦推誠相幼冲流言交亂出居東誰云王是中才主  
一啟金縢卽悟公

宣王

北伐南征萬國臣中興周室賴賢人崧高千古英靈在  
何獨當時降甫申

幽王

文武基圖未易量可憐中葉壞幽王神龍流沫生尤物  
赫赫宗周一笑亾

秦始皇

鯨吞六國帝人寰遣使遙尋海上山仙藥未來身已死  
鑾輿空載鮑魚還

二世

始皇一怒逐扶藪天欲亾秦果在  
翻被四方黔首笑  
不分鹿馬是誰愚

漢高帝

百戰功成漢業新咸陽置酒問群臣區區高起王陵輩  
豈識龍顏善用人

其二

仗劍崎嶇起沛豐祇將嫚罵馭英雄雖然能用三人傑



已失商山四老翁

文帝

文帝與王自代來百金不費亦仁哉後人不務師恭儉  
萬戶千門幾露臺

武帝

武帝英雄類始皇甘心驢武國幾亡晚年賴有知人術  
解把嬰兒付霍光

宣帝

道雜霸王非美事治先刑法少仁恩蓋楊韓趙猶誅死  
誰謂當時獄不冤

元帝

德化欲遵周軌轍刑名思革漢規模更生疎斥蕭生戮  
元帝何曾善用儒

光武

大命山來自真子輿徒號漢家親須知炎祚中興主  
元是南陽謹厚人

其二

鬱鬱葱葱瑞氣浮南陽兵起再興劉將軍大敵非常勇  
文叔平生本好柔

明帝

萬乘臨雍事老更橋門億萬會諸生永平天子真儒雅  
只恨容人度未宏



章帝

民苦繁苛厭永平科除慘獄慰群情不窮竇憲欺君罪  
翻被寬柔壞典刑

魏武帝

董呂襲劉電掃空阿瞞獨步騁姦雄豈知權備皆人傑  
未肯全將鼎付公

吳大帝

拔劍斫案氣如虹獨倚周郎立雋功一戰果摧曹孟德  
不妨高枕霸江東

蜀先主

曹公姦黠世無雙元德雄才肯見容誰把荊州資霸業

宋王忠文公集卷之四十一  
一朝雲雨起蛟龍

晉宣帝

四朝天子寄安危寡婦孤兒豈忍欺見說五  
扛鼎日又勝三馬食槽時

晉武帝

早歲膺圖帝業光晚年何事政多荒算來不用平吳好  
畢竟吳平速晉亡

元帝

金陵王氣爲誰鍾五馬南浮一化龍四海民心共晉思  
江東何事却從容

宋武帝



宋王忠文公集卷之四十八  
自剖乾坤作司家

齊太祖

天厭金刀水德終一時人望屬蕭公能論魏武周文事  
獨有區區謝侍中

梁武帝

不法先王治用儒捨身傾國事浮屠堪嗟餓病臺城日  
曾得空王救死無

簡文帝

青絲白馬渡江來宮殿酣歌盡委灰不解開門納桃棒  
空悲明鏡不安臺

陳武帝

一旦權臣外名君已知天帝欲興陳江淮若道無神物  
誰報齊兵至壽春

後主

臨春閣上醉流霞狎客酣歌興未涯江左半無陳日月  
君臣猶聽後庭花

魏道武

火舉南征破弱燕擴開中土舊山川功成若更能脩德  
自可延年度厄年

北齊神武

浮屠入海天亡魏鸚鵡興話運啓齊鄴下兵興黃蠹死



營中星隕衆驢嘶

齊後主

我冠食祿<sub>之</sub>開府搖尾承恩犬郡君將士焉能死征戰  
盍驅雷輦赴三軍

周文帝

傳檄東征賀六渾親迎天子入長安剩栽沙苑千株柳  
長使齊軍破膽寒

隋文帝

孽后邪臣造釁端房陵幽闇抱深冤一朝變起宮闈內  
方信當時用婦言

煬帝

汴水東流岸柳春  
龍舟帝下錦帆新  
鳥聲勸酒梅花笑  
笑殺隋亡亦似陳

唐太宗

仁義誰云不可行  
文皇親見治功成  
德彛可惜身先死  
豈信人間有太平

高宗

正觀基圖極盛隆  
誰將神器付昏童  
倒持■柄歸房闥  
仙李枝柯一剪空

明皇

天寶君臣玩太平  
梨園弟子奏新聲  
貴妃一笑天顏喜  
不覺■塵暗兩京



肅宗

張后宮中巧弄權上皇西內老誰憐杜陵獨念君臣義  
長向雲安拜杜鵑

德宗

箭侵陵御幄時君臣相顧不勝悲難平猶自推天命  
盧杞姦邪竟不知

憲宗

叛將連頭就典刑元和功業九  
成晚年誤信妖人術  
禍自丹砂藥裏生

文宗

輦路青青春草多凭高無語涕滂沱禁中夜台詞臣語

宋王忠文公集卷之四十八  
受制家奴可奈何

梁太祖

天下人心共惡梁祗應無奈虎狼彊可憐千尺黃河水

盡清流始滅唐

唐莊宗

一年征戰不辭勞三矢功成意氣豪自咤身爲李天下  
焉知禍起郭門高

晉高宗

金帛和番辱已深那堪割地修戎心關南一陷腥膻後  
通患直至今

漢高祖



石氏君臣盡播遷晉陽兵起據中原早知只有三年曆  
何似捐軀報晉恩

周太祖

出鎮雄藩勢已危擁兵乘釁襲京師誰知一代生靈主  
元是雕青郭雀兒

周世宗

高平決戰破劉旻北取三關速若神大業未成天命改  
殿前點檢是真人

許由

肥遁箕山不可尋高名不朽到于今尚留昔日洗耳水  
爲洗世人爭競心

后稷

洪水橫流四海飢敎民稼穡務三時後王欲識艱難業  
讀取豳風七月詩

伊尹

窮居樂道自躬耕那肯要君用割烹湯后不加三聘禮  
未應改志爲蒼生

箕子

諫君不聽念君深披髮佯狂自鼓琴千古共傳箕子操  
一時難悟狡童心

比干

諫君不聽盡忠身豈忍求生却害仁不向天庭剖心死



安知心異世間人

伯夷

避紂窮居北海濱歸來端爲有仁人武王不聽車前諫  
餓死西山志亦伸

太伯

太伯高風不可追雁行接羽共南蜚莫言斷髮便無用  
猶有荆蠻慕義歸

太公

隱迹蟠溪七十餘釣灘清淺鬢蕭疎滿懷韜畧爲香餌  
只釣文王不釣魚

周公

明堂攝政朝群后四海流言孺子疑何事名公猶不說  
丹心惟有鬼神知

名公

鼠牙雀角豈能欺名伯聰明聽不疑南國政成公已去  
甘棠長結後人思

齊威公

諸侯九合霸圖成晉宋江黃盡會盟惟有名陵功最直  
包茅不貢故來征

晉文公

逆旅栖栖十九年五蛇夾負遂升天却慙不及齊威正  
卿相山無管仲賢



宋襄公

小國爭盟禍莫逃託名仁義直徒勞殺人祭鬼寧非忍  
猶自臨戎惜二毛

秦穆公

秦穆平生善用兵孟明三敗始功成後人不識兵家勢  
異議紛從勝負生

楚莊王

周衰夷狄最跳梁楚入春秋勢更强能用一言存滅國  
賢哉猶有一莊王

魯隱公

唐堯授舜由天命太伯奔吳避聖人魯隱効顰端可笑

遜威不正自亾身

威公

菟裘有意身將老  
社圃無端釁已萌  
篡魯由來因羽父  
過齊爭奈遇彭生

莊公

先君出會不生還  
魯弱無由可報冤  
禰廟豈宜姜氏見  
莊同何忍與讎婚

閔公

慶父哀姜產禍芽  
斷斷魯道可勝嗟  
武閭難起無人救  
季子來歸未足嘉

僖公



信公能繼伯禽風盛德掄揚魯頌中惟有  
不輕一字曲褒公

文公

時無間月那成年廟有先君豈上賢魯國從來秉周禮  
文公何事獨無天

宣公

東門無道敢欺天過市哀姜語可憐和氣致祥瑞致異  
如公自合大無年

成公

周室孤危若旅人諸侯誰復肯來臣成公不是朝天子  
假道京師會伐秦

襄公

侯伯誰修二霸功大夫專政自襄公堂堂魯國車千乘  
翻在三家掌握中

昭公

昭公失國寓乾侯方伯無人肯見憂如晉適齊徒取辱  
祇緣不用子家謀

定公

春秋疆場事紛然齊魯平戈幾載連若使真儒長見用  
來歸何止汶陽川

哀公

諸侯失政陪臣僭中  
左社專欲問哀公後



春秋書止獲麟年

鄭莊公

天地深恩詎可忘  
寤生忠孝兩俱亡  
身從何出翻囚母  
國是誰封敢射王

齊襄公

諸兒帷薄可曾修  
敝笥詩包兩國羞  
何事春秋尤諱惡  
祇緣能報祖宗讎

齊頃公

敵國行人詎可輕  
等閑戲笑禍胎成  
胥閭竟日知何語  
回首齊郊已被兵

鄧祁侯

舅甥杯酒結綢繆豈忍陰懷盜賊謀不聽三臣言亦是  
未須深罪鄧祁侯

晉獻公

齒髮衰殘志慮昏譏興婦口可心寒不知尤物能爲禍  
却爲驪姬寢食安

楚靈王

章華臺就國被繇微會諸侯意氣驕楚衆已離猶不悟  
近臣徒爲頌祁招

楚懷王

懷王誤與虎狼親身死咸陽一旅人見說國人懷舊德  
楚雖三戶亦亡秦



吳王夫差

西施未必解亡吳祇爲讒臣害霸圖  
早使夫差誅宰嚭不應麋鹿到姑蘇

越王勾踐

機會由來貴速投姑蘇事與會稽侔  
謀臣不早麾兵進嘗膽徒勞二十秋

潁考叔

衣冠肉食謾紛紛誰解杯羹感悟君  
潁谷封人雖賤士却能純孝至今聞

石碣

人情誰忍棄天倫公獨能將義滅親  
何惜一時誅賊子

不妨千古作純臣

孔父

春秋死難止三人皆欲求仁未得仁節義可書惟孔父  
勝如仇牧勝如荀

仇牧

春秋死難止三人皆欲求仁未得仁仇牧捐軀爲君父  
不如孔氏勝如荀

荀息

春秋死難止三人皆欲求仁未得仁荀息捐軀爲私暱  
也勝賊子與姦臣

祭仲



廢子雖賢寧奪嫡人臣惟聖可行惟區區祭飾何爲者  
賣國容身豈足賢

管仲

小節區區豈足羞功名未顯分纍囚平生自有真知己  
寧患威公怨射鉤

大夫種

狩罷吳郊烏兔空果烹獵犬廢良弓大夫自爲知幾晚  
豈是陶朱計不忠

范蠡

久與君王共苦辛功成身退肯逡巡五湖渺渺烟波濶  
誰是扁舟第二人

李廣

李廣才名漢世稀孝文猶自未深知輟殮長歎無頗牧  
翻惜將軍不遇時

其二

隴右英豪真有種將軍才氣更無雙功高不得封侯賞  
祇爲當時殺已降

婁師德

忤意由來勿校難誰能唾面自令乾直須事過心平後  
方服婁公度量寬

狄仁傑

武火方炎李欲灰忠良何力可能回斗南人有擎天手



爲向虞淵取日來

徐有功

獄興羅織陷忠良公亦幾遭虎口傷蹈死救人人免死  
論功何止漢于張

國朝名臣贊

寇萊公

嗚呼萊公相我真宗契丹南牧朝野洵洵群臣勸帝幸  
蜀江東徽公決策天下其戎百年無兵繫誰之功

韓魏公

巍巍韓公文武兼資相我三宗身任安危周勃定策霍  
光受遺古社稷臣公實有之非我仁祖其孰能知

范文正公

堂堂范公入中之龍正色立朝姦邪不容材兼文武躬履仁義出將入相十纔一試真王佐才用之未至

富鄭公

巖巖富公仁者之勇危言折神色不悚公在使車不敢動公在相位四夷稽顙出入三朝爲國輕重

杜祁公

維正獻公相我仁宗公在相位私謁不容苞苴不通非道不從封還內降與權倖抗公忠直亮清白宰相

歐陽文忠公

賢哉文忠直道大節知進知退旣明且哲陸贄議論韓



愈文章李杜歌詩公無不長當世大儒邦家之光

文潞公

太師潞公勲高業隆四朝元老福祿始終元祐之初太  
后臨極起公於洛平章軍國夷狄來朝服公之德

趙清獻公

於維清獻典天之憲人呼鐵面發姦糾慝以正王國古  
之遺直吳蜀父老語之流涕公之治民古之遺愛

司馬溫公

宋二百年名臣輩出孰爲第一咸曰君實幽夫野老識  
其遺風至今猶語司馬相公以手加額涕泗亾從

蘓東坡

東坡文章百世之師群邪所仇斂不及施萬里南遷而  
氣不衰我讀公文慕其所爲願爲執鞭恨不同時

蘇穎濱

賢哉子由賢哉子由忠言嘉謀聳動冕旒橫身政府不  
避怨仇棣萼聯芳皆第一流才不逮兄器識俱優

陳了翁

賢哉瑩中賢哉瑩中鶚立兩朝凜乎清風二蔡嘯函飾  
姦爲忠黨與雷同牢不可攻公獨仇之折其姦鋒孤立  
不容身以譴終公乎不亾名等岱嶽

宋王忠文公文集第四十八卷終



宋王忠文公文集第四十九卷

知樂清縣事楚南後學唐傳鉉人岸重編

邑後學進士楊森秀清令校

賦一

會稽風俗賦

并敘

門人周世則注

昔司馬相如作上林賦設子虛烏有先生亡是公三人相會難子虛虛言也烏有先生者烏有是事也亡是公者亡是人也故其詞多夸而其事不實如盧橘黃柑之類蓋上林所無者猶莊生之寓言也余賦會稽雖文采不足以擬相如之萬一然事皆實錄故設爲子真無妄先生有君會問之辭子真者誠言也無

妄者不虛也有君者有是事也以反相如之說焉

有客過越自稱子真介于無妄先生贊見於有君謁入  
廼膝而前曰聞有君之名雅矣今幸際顏色聆話言僕  
輒有請君其聽焉君世家於越呂風流自命業博細素  
才播歌咏越之山川人物古今風俗載在君腹願聞其  
略可虜有君廼斂衽肅容謝曰唯唯客姑坐焉吾且語

爾越於九域分曰揚州

禹貢淮海惟揚州周禮東南曰揚州山曰會稽圖經大都督府

越州禹貢仰瞻天文度當斗牛

漢書地理志吳地斗分

三度至女七度爲星紀於辰在古吳越分曰揚州而會稽入斗一度白樂天詩去斗牛天垂象台明地盡圖

在辰爲丑自夏而侯

史記越王勾踐其先禹之苗裔夏少康之庶子也封于會稽以奉禹

祀圖經封少子無餘於越是爲越侯

郡於秦漢

秦始皇滅荆置會稽郡漢以其地屬吳國景帝誅吳



王復為霸於春秋春秋哀公十三年於越入吳史記勾踐已平吳兵橫行於江淮號稱霸王

州於隋而使於唐隋大業中改為越州唐乾元中置浙江東道節度觀察等使公有

素而王有鏐隋楊素封越國公唐末錢因種山而中宅

圖經種山一名重山即今臥龍山也吳越春秋越王莖文種於國之西山一年伍子胥自海上穿山脇持文種

去與之俱游於海廊蠡城而外州還范蠡築小城周千

今西山低處是也一百二十二步一員三方西北立為龍翼之樓以象天

門東南伏漏石竇以象地戶陵門四達以象八風外郭

築城而缺西北示服事吳也圖經龍樓翼而屹峙石竇

會稽治山陰以來此城即為郡城伏而吳流法天門兮墜戶惟崑崙兮是侔

城也其應天矣吳越春秋范蠡曰臣之叢

崑崙之象存焉實東南之大府號天下之無仇

本無其山則鬱鬱蒼蒼巖巖鬼鬼磅礪蜿蜒肆嶧岬岬

若騫若犇若闔若開或凸或凹或阜或堆或斷而聯或

昂而低虎卧龜蹲龍盤雁徊舒爲屏障峙爲樓臺掩映

江湖明滅雲霓八山中藏

府城之內有八山種山龜山

馬山蛾眉山今所存者惟四山耳鮑郎

千里周回彭鮑

彭山

白馬蛾眉山俱已湮滅僅存其名

名存

之圖經彭山在會稽縣北四里典錄云彭祖所隱居

國志云山

蛾馬迹逃橋之東軒亭之西形如蛾眉白馬

有鮑郎祠

山在會稽

山在會稽

鉅者南鎮是爲會稽

計也皇覽曰

會稽山本名苗山唐開元十洞曰陽明羣

年封四鎮爲

公故會稽山爲南鎮永興公

仙所棲

龜山白王上經曰會稽山周回一百二十石傘

如張

圖經石傘山在會稽縣東石帆如揚石帆山在會

里夏侯曾先地理志云射的山北有石壁高數十丈中

央少紆狀如張帆又有文石狀如鶴人亦謂之石鶴山

石簣如藏壁輿地志云宛委山上有石簣石鷁如翔石壁

壁立於雲霄升者累梯而至



匪泥

並見石

石甕匪攜

巨石三在照湖東狀如酒甕時人謂之秦皇酒甕

香爐

自竈

會稽一峰狀如香爐人謂之香爐峰一名覆釜山

天柱可梯

吳越春秋九

號曰宛委圖經望

韞玉有筓

圖經玉筓山在會稽縣東

秦山一名天柱山

降僊有臺

皇覽云宛委山上一巨石鬼

一名茅峴

降僊臺

先

禹穴窅而叵探

史記司馬遷登會稽探

生於此臺上

禹穴窅而叵探

禹穴唐鄭魴有禹穴碑

葛巖蜚而自來

龍瑞圖經禹穴北有石巖高丈餘南面

降從安悉國飛來

上有索痕二條名爲飛來石射堂豐

凶之的

孔暉會稽記云射的山半有石室廼仙人射堂

以占穀貴賤故語云射的

遙望山壁有白點如射侯土人常

白米斛百射的元米斛千

宛委日月之珪遁甲開山圖

山得赤珪如日碧珪

應天上之玉衡地輿志云會稽山

如月長一尺二寸

秋禹問黃帝藏書於此迺東巡登衡嶺龍瑞圖經

直海

注云謂天文蓋度中權衡星名非南嶽之衡嶺

卷之四十九

三

賦

中之蓬萊

舊志蓬萊山正屬會稽沈紳蓬萊閣詩云三山對峙洞中央

至若嶧山巖

其東

圖經嶧山在剡縣東三十四里唐武德四年置嶧山因山為名今日嶧縣

塗山屹其西

塗山

在山陰西北四十五里舊圖經云禹會諸侯之所應邵云塗山在永興北按永興即蕭山也杜預注左傳

云在淮南

亦阜至繇蜀舊經按地志云昔自蜀飛來帶

未詳在何所

見婦二十餘人隨山而至善織美錦自云家在西蜀今

忽至此又云勾踐

將伐吳置婦女於山上以邀軍士後

詭為

龜來自齊或謂之怪山吳越春秋范蠡築城既成

怪山

自生琅玕東武海中山也一夕自來故名怪山越

絕昔云勾踐游臺也

東南司馬門所以灼龜又仰望天

氣觀天怪也或云遠

望似龜形或名龜山梅山廼隱吏之窟在府城北一十

八里梅子真所隱之地也

紵羅蓋西子之閨與地志云其西則有海市里梅福里

山西施鄭旦所居有方石云

五泄爭奇於雁蕩五泄瀑布也在諸暨縣西四十里有兩山夾溪摩雲壁立高一

百丈廣數十丈水瀉五節故曰五泄山多奇峯或比雁



蕩四明競秀於天台圖經四明山在餘姚縣孫綽天台賦云涉海則有方丈蓬萊登山則

有四明天台山五雲中令之故居晉熙三年中書令王獻之居是山有五色祥雲現安帝

詔建雲門寺十峯曇翼之招提法華山在會稽縣南四十里晉僧曇翼棲此誦法華經因

置寺焉其山十峯其水故越為之首兮刻為之面兮沃

雙淵今天衣寺是也洲天姥眉兮目兮白樂天沃洲山記云東南山水越為首刻為面沃洲天姥為眉目二山今

屬新金庭桐柏仙子宅兮金庭觀在剡縣東王子晉學道登仙之所真誥曰南岳真

人云越有桐柏之金庭養南明嵌崆寶相湧兮新昌南

真之福地神仙之靈墟也寶相湧兮明山有

寶相寺梁建安王造南巖嵯峨海迹古兮南巖在新昌

石佛一軀高一百尺南巖嵯峨海迹古兮縣西南唐李

紳龍宮寺碑云南陟秦望而望秦兮史記秦始皇三十

巖海迹高下猶存禹望於南海立石刻頌圖經秦望山在會稽南四

十里又有望秦山始皇登山羣臣于此以望秦帝登洛

思而思洛兮洛思山在蕭山縣東與志云永興縣有洛

思山洛人朱雋來會稽三年不得反乃登

山北顧而嘆因以為名采葛食蕞敬弔前王兮蕞山在府治東北三里趙璘直碑云

少別址尚畱故池與祠堂葛山在會稽縣東一十里吳

越春秋云勾踐使女織脩竹茂林緬想陳迹兮輿地志布以獻吳王採葛是山

縣西有蘭亭王羲之序云此地有崇山峻嶺茂林脩竹又云俯仰之間已為陳迹連山如珠秦

皇之所驅兮連山在蕭山縣西夏侯曾先志云連山長岡九里西北至定山秦始皇欲置石橋渡

浙江今尚有石柱數十列于擊山如玦亞父之所割兮

擊鳥山在蕭山縣南東方朔神異志云北幹隱兮明月

山是亞父割斷擊斷鳥江北幹隱兮明月

在北幹山在蕭山縣北孔靈符地志云許詢家於此山

在之陽詢詩云蕭條北幹劉真長嘆曰清風明月恨

無元東山臥兮白雲迷東山在上虞縣西北三十里謝安石高臥之處李白憶東山詩

云白雲小徵寂兮幽鳥怨小徵山在會稽五雲門外十

他自散公退居湖山日遊小徵依山太白空兮埜猿啼在剡縣

有亭榭獨以書史音樂自適



西六十里與少白山連夏侯曾先地志云  
子巖崔嵬趙廣信煉丹登仙之處上有白猿其水則

浩淼泓澄散漫潏潏漲焉而大風焉而波淨焉如練瑩

焉如磨溢而為江瀦而為湖為沼為汴為潢為污滙為

陂澤疏為溝渠浸而田疇淤而泥塗生我稻梁溉我果

蔬集有鳬雁戲有龜魚實有菱茨香有芙蕖鵲舟如擊

晉安海物異名記越人水戰凌波赴敵則有鵲舟名馬楫如驅吳越春秋越人以船為車以楫為馬

船龍天矯橋獸睢盱白樂天詩船頭龍天矯橋脚獸睢盱堰限江河津通

漕輸航甌舶閩浮鄞達吳浪槳風帆千艘萬壺大武挽

緯五丁譟譟榜人奏功千里須臾境絕利博莫如鑑湖

有八百里之回環灌九千頃之膏腴圖經後漢馬臻字叔苾山陽人為太守

守割立鑑湖在會稽山陰之界築塘蓄水高田丈餘田又高海丈餘若水少則洩湖溉田如水多則開湖洩

田中水入海所以無凶年其塘隄周回三百十里溉田

九千餘頃一說鑑湖八百里蓋總言之錢昭度詩云越

國荷花浮賀監之家唐書賀知章以秘書監請為道士

州一浸允常之都史記少康庶子封於會稽後二十餘

曲自允人在鑑中舟行畫圖輿地志南湖紫帶郊廓欸屬

鑑若圖王逸少云從山五月清凉人間所無杜甫詩鑑

有菱歌兮聲峭謝靈運詩菱歌女幾箇春舟在若耶有蓮

女兮貌都西施采蓮於若耶日出兮寧消漁郎兮嘯嘯

東泛曹江哀彼孝娥曹娥江在會稽東四十里娥上虞

慟哭晝夜不絕旬有西觀驚濤弔夫子胥浙江在蕭山

七日遂投江而死史記吳王殺伍子胥取共尸盛以鴟夷革浮槩浦思夫

之江中吳人憐之為立祠於江上命曰胥山槩浦在諸暨縣北吳闔閭弟之槩之封子夫槩所封之地因以為名翁州訪偃王之



廬翁州屬會稽郡國志云 簞醪投兮沼吳國簞醪在會稽南三里

勾踐投醪之所左傳 扁舟去兮變陶朱史記范蠡事越既滅吳乃乘舟

浮海以行終不止鼓樵風兮游若邪 若邪溪在會稽

洪字巨君山陰人北靈符會稽記云射的山南有白鶴

山白鶴為仙人取箭鄭洪嘗采薪得一遺箭頃有人覓

洪還之問何所欲洪識其神人也曰常患若邪溪載薪

為難願朝南風暮北風後果然故溪風至今猶爾呼為

鄭公風亦興雪棹兮尋隱居剡溪一名戴溪晉書云王

名樵風四望皓然忽憶戴逵時在剡便夜乘小船詣之經宿方

至造門不前而反人問其故子猷曰乘興而來興盡而

反何必禊事脩兮觴蘭渚 蘭渚即蘭亭也義之序云會

見戴清流激湍引 陶泓沐兮池戒珠戒珠寺在戴山本王羲之

為流觴曲水扇橋 了溪鑿兮禹功畢了溪在剡縣東北源出了山越

在焉刑塘築兮長人誅 刑塘在會稽縣北越絕記大禹會諸

宋王忠文公集 卷之四十九 六 武

禹乃誅之於塘賀循會稽記云防風氏其身酌菲泉兮

三丈刑者不及乃築高塘臨之故曰刑塘

懷古會稽山大禹寺有泉名曰菲泉飲清白兮自娛卧龍山下州宅之

白泉太守范文其物則有魚鹽之饒沈立越州圖序瀕

正公命名有記其物則有魚鹽之饒海居人以魚鹽為

生竹箭之美爾雅東南之美者山涵海蓄忘其有幾貢

入王室利周遐邇耕焉以火耨焉以水漢書地理志云

水耨民食南風翼苗翠浪千里耙耨一空玉粒如峙炊粳

釀秫既甘且旨槩桑之奇號為第一吳錄太康地記並

第一槩桑文采如傳紫方正駢次有如龍精儼儼吐絲

滿室蠶書曰蠶為龍精荀卿蠶賦云有萬艸千華機軸

中出綾紗繪縠雪積縑匹圖經越貢花紗白編綾輕交

大花綾編木則楓挺千丈名山志云天姥山窰封五夫

文紗花羅有楓木千餘丈



上虞有地名五夫始皇封松木為五大夫之處桐柏合生嵊縣金庭觀道經云上有桐柏合生

葉異隅與地志云餘姚有太平山四角各生一種木不雜他木一角純檫一角純梓一角純棗

梓欖吳越春秋吳王好起宮室越王使工入山天生神木一雙大二十圍陽為文梓陰為欖

以獻吳王檫檫檫檫詩聯句刻於其上上虞有歷山山下多

柏木吳越名作為歷故曰歷連理之柯諸暨有木連院

得諸暨有櫨山刻有榆木山名合抱之株廼斧廼斤呂興呂廬廼有蕭山陸吉東坡

陸吉傳吉諸暨三如圖經諸暨出三如謂如錦隱蕭山

林賀瓜滿區爾雅有賀氏山賀氏瓜並陸家白蓮棗實

全赤檜腮半朱火榲欬王櫻桃薦珠鵬脚舍黃雞頭去

盧百益七絕之奇爾雅樹木瓜墀雅梨百損一益棋百

人以為良果爾雅樹木瓜墀雅梨百損一益棋百無鳥巢四無蟲五霜葉可愛六嘉賓七落葉肥火雙頭

宋王忠文公集卷之四十九

四角之殊

惟武陵記云四角三角曰菱兩角曰菱

蔗

有崑崙之號

本草注其蔗有兩種赤色名崑崙

梅有官

長之呼

越有楊梅二種絕佳一曰官長梅一日楊梅

蔓生則馬乳莫莫土實

則鳧

慈菰野菽溪毛園蔬木菌洲湖之蓴箭里之筍

山湘湖出蓴菜

可薦可羞采擷無盡鱗山水族海生

池養丁首丙尾鰮腹縮項赤鱣文鱧元鰭黃鰱

以上魚名並載

於圖經越所有者餘皆類此

鰕人駢集呂釣呂網羹金膾玉不數熊

掌能言之鶩善鳴之鵝

陸龜蒙養能言之鶩王羲之愛善鳴之鵝輸芒之蟬

爭珠之藏文身合氏之子

蛤有文故謂之文蛤元微之詩鄉味尤珍蛤合氏子見東

坡江瑤

跋足從事之徒

元微之詩鼃解稱從事

街填巷委與土同

異獸珍禽屑銅吐綬

銅牛山在會稽縣夏侯志云昔有銅牛見於靈



逐之奔入此山掘地視之悉銅屑也圖經太白山有鳥尾似雞文采五色口吐綠綬長數尺號吐綬鳥猛

虎負子蕭山有去虎山本名虎子山有猛虎傷人景德四年六月晦日虎負一子渡浙江而去知縣杜

守一因改名焉靈鳥送鶯法華山有雙鳥雛長則送出之故惟此鳥在焉唐萬齊融守碑云雙鳥所

以示鳳栖鹿化會稽有鳳林鄉按吳越春秋禹會諸侯于澤華公鳳林詩苗山會計圖書曰威鳳栖于木百鳥伺

龍瑞圖經葛仙翁有栴木隱几化為白鹿三足號為鹿跡山鶴拾雁梅孔靈符會稽記云射的山西南有白鶴為

云夏禹與諸侯虞樂於此化感鳥獸故其地雁為民田春拔草根秋除其穗熊羆狸豹猴獾

猿狢鷓鴣銜劇吐埤雅鷓鴣子銜母鷺求鶉鬪鷗浮鷁浴

禽經曰鳬善沒鷗好浮埤雅鷗而生子鷺求鶉鬪鷗浮鷁浴

也銜其毛羽日浴澄湖淵之間鵝寒鴈瘦越多寒

游詞寒鷗萬點黃巖叟詞寒鷗如豆俱得其實巧婦錐

喙埤雅鷗鵠性巧故俗呼巧婦春鋤雪脰爾雅鷺春鋤

其喙尖利如錐巢至精密

水好白低昂故曰春鵲林栖水宿修尾長味禽經曰陸鳥曰栖水

之尾多短水禽之味多長山禽鳥曰宿又曰山禽之

呂北呂蜚呂走甲第名園奇葩異香牡丹如洛芍藥如

揚歐陽公花品序牡丹出丹州延州東出青州南

蘭載新吳越城之中為一絕當前政不軌之前木蘭特

凋零逮彭城王之鎮海榴懷芳州宅舊有海榴亭唐

也綠葉紫袍載新陽李紳詩懷芳不作翻

風豔列萼猶菊山黃華菊經菊山在蕭山縣西山多甘

含濯露研越絕書蘭亭國香陰越王天衣杜鵑天衣寺有杜

山蘭亭國香越絕書東山薔薇李白詩不到東山湖映香雪越多

者競集又餘姚有梅澳鑑生水芝李白詩荷鴛梅並蒂越有鴛

湖以梅得名花鑑裏生仙桂丹枝越有司華騁巧天女效奇桃李漫山

葉頭千



蘇門之藥物之產不知其名白朮丹參甘藷黃精吳萸

越桃

山梔子一名越桃

禹糧石英

嵎縣了山出禹餘糧諸寶烏帶山出紫石英

薊訓

帶之巨療疾

圖經古廢市在州南輿地志曰昔薊訓賣藥於此市

彭祖服之而延

齡

彭山在會稽縣北典錄云彭祖隱居之城

秦皇求之而莫致

史記始皇令方士徐市等

入海求神藥數歲不得

葛仙餌之而飛昇

葛仙翁煉丹飛昇禹穴北有仙巖

日鑄

雪芽

日鑄山在會稽東南五十五里歐冶鑄劍之所覽古集云會稽日鑄山產雙芽不在建溪之後臥

龍瑞草

臥龍山亦產奇茗范文正公清白堂記以建溪日鑄臥龍雲門之茗試之其液華滋悅人

張伯玉云臥

瀑嶺稱僊

茶經云餘姚縣茶生瀑布嶺者號仙茗

茗山鬪好

龍茶冠吳越圖經茗山在蕭山縣西其上多奇茗

顧渚爭先建溪全蚤碾塵飛玉甌濤

翻皓生兩腋之清風興飄飄于蓬島剡藤番番官城斑

斑

越紙出於剡竒元興有悲古剡藤文圖經越出筆管

冰敲嵎水

張伯玉詩敲冰呈巧手注云越

宋王忠文公集

卷之四十九

九

賦

俗呼敲水 紙為巧手 竹翦顧園 述異記越中製於蒙蔡之手游於

義猷之間友陳玄與端紫全文字於人寔至若龍護金

書 龍瑞圖經黃帝藏金簡玉字書於宛委山禹探得之

唐開元二年投金龍於禹穴俄有一龍自穴出現於

龍瑞宮 苔封石刻 齊書志云會稽剡縣刻石山相傳

名家現襲祖行獵忽見石上有文凡三處苔生其上字

不可識刊苔去之有大石文立石文小石文云云或云

夫人碑隔此 苗山金玉 山海經會稽山上邪莖銅錫

中因以為名 苗山金玉 多金玉下多珠石 邪莖銅錫

吳越春秋云歐冶子為越王鑄劍破赤 黃帝之鑑 述異

革之山而出錫涸若邪之溪而山銅 黃帝之鑑 記世

傳黃帝鑄鑑於 神禹之壁 紹興丁丑禹祠之前有

此故名鑑湖 神禹之壁 光見人于其處得圭璧 歐冶

之劍 見邪莖 蔡邕之笛 輿地志蔡邕避難於越宿千秋

銅錫注 蔡邕之笛 亭仰見椽竹知有奇音因取以

為笛遂 虞翻之牀 圖經五官省相傳有虞翻牀翻為吳

為寶器 虞翻之牀 長沙王所禮特設此牀以表賢客

秦皇之石 輿地志秦始皇刻石前有方石廣十丈云是

秦皇座兩邊有方石八片云是丞相以下座



淳碑斯篆

漢卿卿淳作曹娥碑蔡邕題曰黃絹幼婦

筆肅墨

府治之北有筆飛巷江淹夢筆之所也漢王肅

曉辭別

隨父在郡東齋夜有女子從地中山與肅語將

多有疑滯

且用此墨賢才思開敏雷鼓銅漏傳母持布

鼓於雷門

注云雷門會稽城門也有大鼓聲聞洛陽會

稽黃閭故有銅漏

古制甚精王羲之書陸機漏賦瑯刻

於上歷代

梅梁窆石越絕書少康立禹祠於陵所梁時

以為寶

修廟少一梁木夕有風雨飄一木

至乃梅梁也

今存窆石在禹陵之前舊經云禹葬會稽

取此石為窆

秦少游詩云一代衣冠埋窆石千年風雨

鎖梅

晉太康中上虞縣於道觀井中獲金罍

梁

故縣以金罍名驛郡國志云塗山有石

船長一丈

云禹所乘來宋元嘉中於船

側掇得鐵履

一雙梁初又得青玉印

中謝勳為郡守

掘郡廳柱下深八尺得古銅罍可容數

斗封題作越王

字文甚分明是今隸書餘不可識輒以

為范蠡厭勝之術

遂埋之胎草蹄石圖經獵士陳惠度

今不識處

玉印見王注胎草蹄石於剡山射孕鹿

傷產下一子

以舌舐子身乾而後鹿母乃死惠度棄弓

矢為俗鹿死之處

生草號鹿胎草諸暨有馬蹄石傳云

始皇東巡馬蹄黃竹神木蕭山黃竹山越絕記云范蠡踐此其跡存焉

黃狀如刀割神木見文梓榎栟注流黃漢鐘西京雜記會稽貢竹簞號為黃簞錚于周

樂會稽記塗山廟中有活人之艸郡國志云會稽橫山有艸莖赤葉青人死

覆之更活止痛之木之舊梁歷代雖遠其質不異俗諺云千年之木能止心痛

有削服者多愈和敷榮而華合成石氏宗譜新昌石

而內向覆墳如蓋然守墓者言每有登升者則朽有枝特生一枝一人或二三枝則二三人云會稽覽古集四

明山有變石如笋高數尺野花叢生其頂鳴時

若覆錦國朝祖宗遇密皆二年不榮職方善為之

贊華鎮詩云鼎湖龍去蒼登天雨錢而山儲粟刻有禪房

齊安南將軍黃僧成有德政感天雨錢數億萬遂捨造寺號錢房院梁天監中改禪房寺儲山在會稽東南有

栗山周處風俗記舜時供儲在此皆希世之奇迹蓋欲言而不足其人見於吳越春秋會稽典錄圖經墜志歷代東牘大書



特書班班滿目孝者弟者忠者義者廉者遜者智者健  
者優於文詞者長於吏事者擢秀科目之榮者策名卿  
相之貴者毀身日成仁者隱居求志者埋光屠釣之  
微者晦迹佛老之異者虞翻之言有所不能盡朱育之  
有所不能既會稽典錄云孫亮時山陰朱育少好奇  
見豫吏問昔王景與周士於虞仲翔而未觀仲  
翔對也書佐寧識之手育對云云府君稱善予亦焉  
能縷數之哉姑摘其尤之一二前則程蠡計硯號賢大

夫按吳越春秋越王有人臣  
問友文種范蠡計硯最顯後則嚴助買臣直承明廬  
漢書嚴助朱買臣皆會稽人武  
會稽縣為侍中後晉為會稽太守 孝悌則張萬和之父  
子張萬和諸賢人遺父母喪兄弟  
以二十餘年為和終子亦成其弟弟齊  
薛以營凶共獲及半就初生遂辦葬事鄧斯祁樊自

王昭文公集卷之四十一  
七

數以代舉 某有某山世祖上意王廟代父死罪

重結朱紅 某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪

某有某山世祖上意王廟代父死罪



懿矣三女齊書會稽陸氏有三女無男祖父母年八

哉二娥曹娥見曹江注國史朱娥上虞朱回女也母

我母一家驚潰獨娥號呼而前擁蔽嫗手挽顏刀曰寧殺

董楷為娥立像於處子之孝凜然可多節義則黃公居

四皓之列虞翻對曰鄧大里黃公潔已暴秦之世高

英叅八雋之儔少英見後漢黨錮傳虞翻曰少英遭此

夢難衛主則有若丁潭晉丁潭字世康山陰人薊峻亂

側委身授命則有若王修虞翻曰句章王修委

歲寒之操晉虞喜字仲寧餘姚人太康中孔愉洪止足

之謀晉孔愉字敬康山陰人史贊曰或一門死三世之

義虞翻曰或一邑萃三康之汜山陰孔愉敬

虞孟英三世死義康張茂偉康

丁潭世康齊唐時至若案楊柳朱永寧瞿素婦節崢嶸

人號會稽三康 蹈死不顧 朱育對其女則松楊柳朱永寧瞿素或一卓

行則鄭洪韓說鍾離意朱雋戴就舉於孝廉 後漢鄭洪

意皆山陰人朱雋戴就 虞潭孔奐沈融朱仕明舉於秀

皆上虞人並舉孝廉 茂 晉虞潭陳孔奐山陰人唐沈融會

對策 虞寄餘姚人弱冠 趙曄推為有道 後漢趙曄山陳

子公退侵墜之籓 會稽陳囂字子公以遜為行與紀伯

移一丈以讓紀伯伯覺知慚愧乃還所侵之地兩邊俱

退乃為一路鴻嘉二年太守右扶風因府君刻石旌表

號曰義里 鐘離牧拒慚還之稻 吳鐘離牧山陰人居永

長詹路 誤認之牧遂與稻後 循吏則有還珠孟嘗 後漢循吏孟

民慚還牧閉門不受 虞人為合浦太守郡無耕稼所資珠璣前 致雁虞國

政貪殘珠徙交趾嘗清潔無求珠乃還郡 諱



記云虞國餘姚人漢時為日南太守有惠政行部有雙雁隨軒翔舞及還餘姚雁奔隨歸國卒雁栖於墓側後

遂成群今餘希銑遺四州之愛唐康希銑會稽人為饒姚有雙雁鄉

公撰碑今夏香著歷任之績夏香字曼卿蕭山人會稽斷碑猶存

聲儒學則王充呂論衡顯後漢王充字仲任上虞人著論衡八十五篇

呂大義稱唐沈珣會稽人撰謝沉謝承之史學晉謝沉字行思

山陰人明練經史撰晉書三十餘卷承字偉孔僉孔祛

平亦山陰人博學洽聞撰後漢書一百餘卷

之明經梁孔僉山陰人通五經尤明三禮生徒數百人

嘗數百人著尚賀孝先擅儒宗之號晉賀循字孝先山書義二十卷

江東儒宗虞伯施專博學之名唐虞世南字伯施太宗稱文世南有五絕其一博學也

章則孫興公挾金聲之賦晉孫綽字興公會稽人作天台賦謂友人曰卿試擲地當

作金聲徐季海揮玉堂之策徐浩字季海為中書舍人諡令誥策皆浩為之

若春榮則任奕虞

宋育對曰文章之士則任奕

文不

加點則四明狂客

唐賀知章字貴真永興人自號四明狂客詩後屬詞動成篇卷文不加點

二賀二虞蜚聲籍籍

文辭稱仁山陰人與從兄德基以

基文質彬彬賀德仁虞世南與兄世基俱善屬文時人方之二陸

吳融十詔威於俄頃

唐吳融山陰人昭宗時為翰林學士中書舍人

帝指授疊十許稿融作詔少選成語當意詳隱逸則

嚴謝秦方述睿克符

後漢嚴光字子陵餘姚人晉謝敷會稽人月犯少微星占者以隱士

當之俄而敷死唐秦系會稽人初隱於剡後居泉州南安人號其山為高士峯方千宇千里今五雲門外有方

千島登坊有方千池皆隱所也唐孔述睿山陰人與兄克符皆隱嵩山方術則介象吳範

嚴卿夷吾

吳介象字元則學氣術能於茅壁上煮物而火不焚吳範字文則明曆數知風氣晉嚴卿

善卜筮皆會稽人後漢謝夷吾字堯卿山陰人學風角占候克日

丹青則孫遇道芬

錄孫遇僧道芬皆會稽人以善書著名

筆札則孔琳徐嶠

宋孔琳之山陰人徐嶠之會稽



人皆善草錄書浮屠則道林靈澈晉僧支遁字道林居沃與王謝諸公遊唐僧靈澈會

氏子神仙則劉晨阮肇續齊諧記漢永平十五年剡縣有劉晨阮

肇入天台山採藥因遇女仙半年還家並無相識驗得七代孫至太康年失二人所在廼有谿上

浣紗之女諸暨有西施浣紗石林間舞劍之姝吳越春秋越有處女出於南林越王

聘之問以劍戟之術色白天下杜詩越女氣雄萬夫越女論劍曰聞斯道者一

人當百百人當萬王欲試之其術即見故勾踐復國也有六千君子史記越伐

吳發教士四萬人首子六千人項氏崛起也有八千子弟史記項羽起會稽得精兵

八千人渡江今山陰有項里乃羽與叔父梁避仇之地霸有江浙橫行當代彼二

霸之得人尚斗量而車載矧歷代之人材亦足明其大

集逮我國朝尤號多士二百年間不可勝紀大則杜正

獻之勲德杜祁公衍字世昌次則孫威敏之功名孫大資汚

宋王忠文公集卷之四十九

字元規會稽人謠曰威敏姚石郎司元祐之直姚給事字輝中山

有直顧內相號江南之英顧內翰臨字子敷會稽人東坡贈詩云君為江南英面作

河朔萬石雲祢匪建則慶新昌石氏為江南名族二陸

棠棣如雲與衡陸左丞相字農師弟吳先生風高

於賀老吳先生名孜嘉祐治平間名士捨宅為泮宮今有祠堂存君子以為賢於賀監一等齊職

方迹擬於困明齊賢氏唐字和之仕至職方員外郎退居湖山名曰少微自為詩云直當山面

開三徑平截錢氏世賢科之盛錢內翰易會稽人景德三年中制科子明逸慶

波心種綠楊曆二年彥遠慶曆六年並中制科史門繼衣錦之榮剡中史氏兄弟相繼登科鄉號繼錦

劉求以義門顯會稽求氏上虞劉氏並號義門杜趙以處士稱王荆公

中處士杜醇詩趙處士或覽古以汴詠故朝奉大夫華

仲詳符中被召不赴或覽古以汴詠君名鎮字安仁

古詩百餘篇或編圖而著名諸葛深字通甫總集歷代



之為國 至若聯翩桂籍 耀簪纓名登史策足疊

天庭蓋嘗詢之故老往往莫識其名矣故千巖競秀萬

壑爭汜者顧長康之言也劉義慶世說云顧長康從會稽還人問山川之美顧云千

壑競秀萬壑爭汜山轉遠轉高水轉深轉清者李浙東之記也

唐李遜游妙喜寺記越州好山水山轉遠轉高水轉深轉清瑰奇市井佳麗闔閭者

白餘杭之詩也白樂天和元稹陽明湖天詩云瑰奇填市井佳麗闔閭忠臣係踵

孝子連閭者虞功曹之對也虞翻對王府君曰海岳精靈孝子連閭下及

賢女靡不育焉越之山川里物其大畧如此子真始

驚而疑卒歎而敬曰壯矣哉盛矣哉山川如斯人物如

斯吾未之前聞也然越在春秋僻處東夷夫子作經專

為於越其人材風俗固未可與齊晉魯衛諸列國抗衡

也今有君所稱幾不空口豈昔日遠於京畿含香未越

如王景興之言邪

王景興問虞翻曰聞玉出崑山珠生南海遠方異域各生珍寶曾聞士人

斂美貴邦舊多英俊徒以遠於京畿含香未

越爾功曹雅好傳古寧識其人耶翻對云云抑山川降

靈孕秀固自有昔邪抑亦因人作威而致然邪有君曰

昔嚴朱二子為漢名卿畫緒故鄉夾道郊迎爭觀快覩

嚴助朱買臣貴顯漢朝文辭並

故其榮故其俗始尚文學而故功名嚴助朱買臣貴顯漢朝文辭並

發上拜買臣會稽太守謂曰富貴不歸故鄉如衣繡夜行今子何如買臣頓首辭謝晉王右軍為

越內史雅會蘭亭杯觴曲水臨池墨妙輝映于祀能使

義之

遣文感慨君子故其俗始尚風杯而多翰墨之士義之

除右將軍會稽內史以上已日與謝安孫綽許詢之流會於蘭亭流觴曲水自為之序其末云後之君子亦將有感於唐元徵之一代奇才唐元徵之一代奇才

唐元徵之一代奇才撰待玉皇謫居蓬萊賓賓



鄰白唱酬往來繇是鑑湖秦望之奇益聞故其俗至今

好齡詠而多風騷之才唐元稹字微之罷相為浙東觀

之酬和故鑑湖秦望之奇益傳時號蘭亭絕唱繼之州

宅詩云我是玉皇香案吏謫居適得小蓬萊時自樂天

守杭常以詩筒往來後自赴闕留贈云

從此舟人應省事寂寥無復遞詩筒

也任延張霸以尚賢為治而俗始貴士後漢任延為郡

延皆聘請高士如董子儀嚴子陵待以師友之禮郡中

賢士大夫爭往官焉張霸為守表用處士顧奉公孫弘

等其餘有業行者皆見擢用郡

中爭厲志節習經者以千數

而人始尚清後漢劉寵為太守郡中大化召為將作大

匠山陰五六老叟人齋百錢送寵寵為人

選一大錢受之吳車

俊為太守在公清忠第五倫下令而淫祠之風革

後漢

倫為太守俗多淫祠常椎牛祭神財產困匱其自食牛

肉而不以薦祠者發病且死先為牛鳴前後郡將莫敢

禁倫到官移書屬縣曉告百姓後遂斷絕

諸葛恢蒞政而陵遲之俗興

諸葛

太守元帝謂曰今之會稽昔之關中政之所先君為言  
之飯日今天下喪亂風俗陵遲宜尊五美屏四惡進忠  
實退浮華帝納之以政績第一增秩至若李唐刺史九十八公首有龐玉

顯有姚崇圖經十子郡績稱雄唐太守題名記凡九十

最顯者姚元之後為開元賢宰相以名見於圖經者十  
人李大亮竇懷正薛平陸亘楊於陵李遜薛成元稹王

式龜國朝逮今蓋百餘政前有文簡後有文正題名所

記比唐為盛宋太守題名記始於畢文簡公士安承宣

得人風俗斯美蓋亦理然也子真曰是誠有之然皆

二千石之事爾未足多也願聞其上者有君曰昔勾踐

懲會稽之栖也史記越王伐吳吳敗之夫椒越王痛石

室之辱也吳越春秋越王入臣吳拘於石室之蓼目水

足抱冰握火越王念服吳讐苦身勞心夜以接日目臥

則切之以蓼足寒則漬之以水冬抱冰



夏還握火采蕞于山越王為吳王嘗惡遂病口裊范蠡乃令

為俗岑草蕞也見前注置膽于坐史記勾踐反國置膽于坐坐臥

會稽之耻耶葛婦興歌名曰何苦其詞曰嘗膽不苦味若飴

令我采葛以作絲吳越春秋越王使國中男女入山采

越王用心之苦乃二十年間焦心苦志卒滅強吳呂雪

前耻越絕之稱權輿於此越絕書聞者曰何謂越絕越

踐時故其俗至今能慷慨呂復讐隱忍威事若是何

如子真曰茲霸者之事也傳不云虐粹而王駁而霸彼

齊威晉文之盛猶不足稱於大君子之門况勾踐虐有

君曰昔禹治水之畢與群后計功苗山更名會稽卒而

葬焉祠廟陵寢於今尚存圖經禹陵在會稽山吳越春秋禹到越因病死葬焉葦葶

柩棺穿壙七尺下無及泉墳高三尺土上有遺井賀循地誌

階三等越絕書少康立祠於禹陵所云會稽山有禹井去禹穴二

十五步謂禹穿鑿故名因之下有非泉過而飲者莫不

發免魚之嘆興河洛之思不獨勾踐有其烈史記勾踐有禹之遺

烈馬侯嗣其功馬臻何至今其俗勤勞儉嗇實有禹之

遺風若是何如子真曰美哉禹功宜其代舜而有天下

也游於是窅於是廟食於是茲所以化被萬世之久也

然說者以為入聖域而未優其必有失於此者虐有君

曰舜生於諸馮孟子以為東夷之人歷世逾遠不傳失

真太史公以為冀州然邪否邪史記舜冀州人冀在河南非東夷也與孟子之

說異然越之邑則有上虞餘姚圖經夏禹與諸侯會計

處風土記云舜後支庶所封舜姓姚故曰餘姚一

日謂邑有姚也即舜母握登感大虹生舜之地

山



虞山歷山

圖經虞山在餘姚西三十里一云在上虞之東太康地志云舜避丹朱於此歷山在會稽

東南八十四里舊圖

經云昔舜耕之所

水有漁浦三憮

圖經上虞縣北有漁河是舜漁之處

又上虞有地名漁濱虞濱水經鳩地入東海江裏有上

中下三憮言二女降時鳩地高險回曲使者至險輒憮

然而嘆故

墜有姚也百官

風土記舜生於姚也去上虞四十里有姚也即姚也

曰三憮

記云書平章百姓今上虞有百官里會稽記百官者丹朱從舜于此

里焉有窰

上虞有窰里舜時供

儲在

陶焉有窰

上虞有古陶灶言舜所作

汲焉有井

舜井在上虞西此

有舜木在縣南

祀焉有廟

舜廟在上虞縣西三十五里

皆其遺迹也

二百五十步

意者不生於是則游於是虞舜為人子克諧以孝故其

俗至今烝烝是傲舜為人臣克盡其道故其俗至今烝

絜是蹈舜為人兄怨怒不藏故其俗至今愛而能容舜

為人君以天下禪故其俗至今廉而能遜若是何如子

真矍然離席而立拱手而對曰於戲噫嘻盡善盡美雖  
甚盛德蔑有加矣昔季札觀樂而止於韶自韶之外不  
敢觀余問風俗亦極於舜自舜之外不復問矣無妄先  
生粲然失笑於旁曰固則子真之問有君之畲也茲皆  
古之越非今之越也人死骨朽世變風移山川雖在人  
物已非前日淳樸變而澆僞前日廉遜變而爭紱前日  
勤儉變而驕怠前日忠孝變而凶悖尚何執紙上陳迹  
而譏譏其頰舌邪有君曰先生之言是也然風俗不常  
美亦不常敝善焉惡焉維人是繫今朝廷駐蹕東南越  
爲鉅藩密邇堯天蓋尺五間帝命重臣來鎮是邦入境  
問俗登堂觀風

臥龍山有觀風堂

因舜禹之遺化明吾君之至



仁布德教於黃堂變薄俗而還淳矧何世之無才亦何

有於古今子不見夫銜命庭死於王事如陳公張公

者庠陳公名過庭張公名字發靖中議禮靖康赴難建炎

如華君傅君者庠華君名初平靖康初為太常博士議禮不屈事見李參政所作墓志傅君

名崧卿建炎間犯浙東越守以城降公舉兵赴難越人賴之是豈異代之人邪又不

見夫姚江陳公陳公名橐所臨有聲亦克知還身名兩榮執

政李公李公名光忤意權臣老於淪落世賢其人愍孝蔡子

捐生可悲同彼旌忠廟食於茲蔡孝子名定父以罪繫獄請代弗許遂自沉於

河竟脫父罪事聞乎朝立廟號愍孝建炎間越守以城降班直唐琦奮執擊首謾罵而死廟號旌忠隱

吏王君王君名公衮手斬發冢之讐自投于府斬讐著名一門可稱賢父

難兄茲固先生目所親覩也安知後之眡今不猶今之

眡古庠先生曰有君越人也知越之風俗而已矣昔子  
虛夸雲夢烏有先生詫齊亡是公折之曰上林之事今  
越未足侔齊楚之大尚何足以夸之有君曰昔吳子問  
柳先生曰晉國之事而柳曰晉對今子真問余以越國  
之俗而余以越畬亦各因其所問而及之爾余豈嘗杰  
無聞無知於越之外哉今天子披輿墜之圖思祖宗之  
績求治如不及見賢而太息文德既脩武事肯闕蓋將  
舞干戚而服遠夷復侵疆而還京闕余竢其車書全南  
北一倣吉甫美周室賦崧高歌吉日招魯公命元結磨  
蒼崖秃鉅筆頌中興紀洪烈邁三五夔前牒亘天地昭  
日月於是窮章亥之所步攷神禹之所別覽四海九州



之風俗掩兩京三都之著述騰萬丈之光芒有皇宋一  
統之賦出回眦會稽蓋甄陶中之一物無妄先生自知  
失言色有餘媿迺與子真逡巡而避有君退而嘯傲於  
南園有飄飄凌雲之氣

宋王忠文公文集第四十九卷終

宋王忠文公集

卷之四十九

子

原





宋王忠文公文集第五十卷

知樂清縣事楚南後學唐傳鉉人岸重編

邑後學庠生屠秉忠心潛校

賦二

民事堂賦

并叙

堂名民事志天語也某備員越幕歲將期顧惟不才  
膏然無補日呂敗官曠職爲憂所幸黃堂主人甚賢  
同僚皆士君子朝夕講論無非民事之要者因爲之  
賦以志其一二云

繫越幕有下僚兮名所寓曰民事之堂誦天語之丁寧  
兮銜聖恩而不敢忘啖民脂呂飽妻子兮猶雀鼠之偷

太倉苟不民事之是思兮又將奚追虐天殃嗟會稽之

大府兮罹薦歲之凶荒颶風作於孟秋兮雨浸淫而異

常天吳怒而江濤沸溢兮飄廬舍而壞隄防粢盛害而

歲大禳兮民餓踣而流亾射的黑而米斛千兮擷蓼花

而爲糧是歲飢民擷蓼花掘草根而食痛瀕海之蚩蚩兮葬江魚之腹

腸上虞縣渰死予嘗告其故於前使君兮請敷奏於巖

廊顧幕中平日之巧辨兮人廼斬其爲狂會伯尊之傳

名兮達民瘼於九重予殆有類於輦者兮亦何恨夫言

之不庸洪惟當宁之至仁兮視赤子其如傷蠲常賦而

救天菑兮出內帑之所藏哀東州之無告兮惠吾民以

龔黃左公孝而右孟博兮相與協贊其惟良先撫字而



後催科兮正今日之所當寬公私之積負兮  
俟虐歲之豐穰省訟牒之煩苛兮抑蠹政之  
豪強節無用之浮費兮俾斯民之小康茲  
政事之所急兮敢不忠告虐黃堂至若鑑  
湖利及九千頃兮日侵削而就荒歲和買  
無慮十萬緡兮曾無一錢之償權酤之利  
半奪於有力兮財賦浸已荒涼兼并之弊  
熾於大族兮編氓餒於糟糠茲又越中之  
巨害兮姑畧言其大綱若夫民事之在天  
下兮固不足言知其詳有一言曰盡之  
今日生之而不傷擇守令兮去姦賊慎弗  
擾兮如牧羊茲猷猷之惓惓兮願入告於  
天王

蓬萊閣賦

并叙

越中自古號嘉山水而蓬萊閣實爲之冠昔元微之作州宅詩世稱絕唱近代張公伯玉三章膾炙人口好事者從而和之獨未聞有賦之者某筮仕之初辱爲蓬萊客廼者中秋之夕與同僚會飲於茲閣覽湖山之勝翫月于樽俎間卽席賦詩諸公皆和旣而念之閣不可只常登一詩不足只盡意遂從而賦焉

王子游會稽客蓮幕登卧龍之山躡巨鼇之閣秀閱千巖杯觀萬壑縱遠目於東州暢幽懷於寥濶于時天高氣肅秋色平分簪盍良朋把酒論文俯仰湖山懷古傷今登高賦詩只寫我心周覽城闌鱗鱗萬戶龍吐戒珠龜伏東武三峯鼎峙列障屏布艸木龍蔥煙霏霧吐棟



宇崢嶸舟車旁作壯百雉之巍垣鎮六州而開府東望  
稽山思禹之功喬松鬱庫固陵丹青儼於祠宮藏丹書  
於黽穴泮遺畫於無窮南目秦望哀秦之過方鏡石以  
頌德驕顏色以相賀嗟仙藥之不來俄腥風之已播西  
望夕陽送目蘭亭懷王謝之風泮感斯文而涕零徒觀  
夫茂林脩竹鎖煙靄而冥冥北望滄海渺其無涯方吳  
門之畫龍視越國其如蛇轟雷鼓於一震墟吳國而成  
窪訪麗譙之故址第見庖古木之號鴟前瞻鑑湖滿目  
雲水嘉馬侯之偉績慕賀監之高軌祠荒兮遺迹半湮  
宅冷兮黃冠無幾徒有漁舟賈楫風樵航葦往來庖鷺  
鷺之鄉歟乃庖烟波之裏仰瞻高閣翬飛崔嵬俯瞰州

宅緬懷高才面無時之屏障家終日之樓臺長湖山之  
價於几席之上惜斯人之安在哉言未畢客有指斯閣  
而謂予曰子亦知夫閣之所以得名者庠蓋始於元和  
才子也呂玉皇案吏之尊擁旌麾於千里也蓬萊隔弱  
水三萬里呂筆力坐移於是也齊名有白從事有鞏胄  
中有萬頃之湖真一代之奇偉也詩章一出遂能發秦  
望之精神增鑑湖之風采蘭亭絕唱亘古今而莫擬也  
子亦讀夫才子之傳否庠姑問訊其從何而來集庠彼  
而至庠此也才子之才固足呂起吾子數百年之聳慕  
才子之所呂獲侍玉皇者亦吾子之所喜攻而深恥也  
夫何惜之有予於是引客之手揚袂而起言契予心諾



諾唯唯有是哉斯人也而至於斯也尚忍言之哉俄而  
鼓角作於人間明月出於林端妙三弄之梅花爛十分  
之銀盤醕一觴而徑醉有不盡之餘歡頃之陰雲忽興  
點綴青天漸山川之朦朧若有妬庖婢媚倚危欄而感  
慨覺興盡而思旋矣於是相與啜茗於清白之堂漱齒  
於清白之泉閱唐宋之題名終夕爲之慨然嗚呼噫嘻  
死者可作吾與誰歸其無出庖文正范公之賢

雙瀑賦

王子游簫峯之下訪鼻祖於仙籍駐杖屨於金溪觀雙  
瀑之千尺于時驟雨初歇飄風迅擊飛泉洶湧怒流湍  
激噴烟霧於蒼嵐吼蛟龍於大澤百川震而澎湃萬類

紛其辟易疑若傾崖轉壑變曲谷而爲陵又類萬馬千  
兵奏鼓輦而赴敵久之狂潦微殺巨流順適靈源復尋  
於故道雙派交馳於絕脊勢偶殊而卒合路雖分而稍  
迫玉筯垂兮拂輕寒長紳拖兮蘸深碧疑若鯨鯢鬪怒  
兮力未決而方酣千鎔爭鋒兮光交騰而互射嗟天匠  
之施巧兮作勝事於泉石顧一派之罕有兮豈雙流之  
易得不見夫銀河落於半天兮破廬阜之山色梅雨飛  
於石門兮敞芝田之靈蹟潭千丈於石橋兮渺仙凡之  
路隔龍雨湫於雁蕩兮分大小而異宅彼獨溜而孤飛  
兮猶擅名於今昔況並峙而爭流兮作人間之連璧吾  
欲窮千里之源兮問化工之始闢思漢使之不復見兮



悵靈槎之難覓獨終日而登臨兮寄吾懷於幽寂興雖盡而忘歸兮猶待乎風清而月白於是目瞬飛流之末耳洗寒潭之側思往事之微茫仰遺風而嘆息竈中烟冷難尋入竹之人峯頂臺荒不見吹簫之客賦罷乃歌而歸曰雙瀑之水從何來靈源千尺高崔嵬飛流噴沫飄瓊瑰空山落日鳴春雷有客來遊獨徘徊枕流漱石興悠哉塵襟濯罷飄然回風清月白空簫臺

至樂齋賦

并引

予讀歐陽詩有至哉天下樂終日在書案之句因採其語以名齋又從而賦之

予與客坐於書齋之內客仰而顧俯而笑曰子知天下

之樂乎散於事物之萬端會於窮達之兩途然皆有窮焉吾言而子聽諸高車駟馬腰金曳組前者呵後者衛士之得志於當時者之樂也然有時而厭焉前日朝廷之士扁舟去而烟浪深也枕流漱石吟風嘯月採於山緡於泉士之無求於世者之樂也然有時而改焉前日山林之士蕙帳空而猿鶴驚也予曰子之言皆外物之樂也樂故有窮烏知天下有所謂無窮之至樂哉一簞食一瓢飲顏回之樂也宅一區田一廛楊雄之樂也是固無心於軒冕亦不放志於山林得乎內而樂乎道也吾今游心於一齋之內適意乎黃卷之中師顏回友楊雄游於斯息於斯天下之至樂也又烏得而能窮



歸去來賦

歸去來兮終日思歸今已歸嗟連歲之行役兮誤甘旨  
之屢違身雖處於異鄉兮念長在於庭闈陟高岡而東  
望兮悵白雲之孤飛食蠶鹽而無味兮悟蝸角之真非  
泛季卿之竹葉兮詠晨光之熹微辰未浹而到家兮指  
青燈而扣扉粲慈顏之一笑兮紛稚子之牽衣雖吾歸  
之不若人兮不能衣錦而乘肥吾將以此而易彼兮學  
何蕃其庶幾

梅溪題名賦

并引

吾徒宋孝先李大鼎作梅溪庚午多士賦序一堂八  
齋六十人名字而鋪陳條列三百六十字之中言簡

意盡有足觀者陳元佐萬孝傑童侃又作梅溪多士  
賦通前後八年間凡一百二十人而併列之文工而  
事益詳予於是採二賦之餘意變聲律而古之先美  
後規效古人勸諷之旨非敢以文戲也目曰梅溪題  
名賦

余闢館于梅溪兮歲甫及庠夢齡

余第壽朋字夢齡書館之闢今八年矣故

借夢九齡以喻意

自淵獻而逮庠敦牂兮頃十朋而今百朋

某

名百朋予季弟昌齡名子癸亥秋闢館聚徒游從者十人至庚午歲通數之凡一百二十人

齋敞八

而堂虛一分咸與賢而與能

謝與賢簡之與能任之

余宗旦而固

有一德兮

余宗旦仲阜賈一德

敢不希仲舒之明經

陳元佐

幸

諸友能祖說之遜志兮

張祖說文孺鄭遜志時敏

又恪希顏回之服



九次淵希顏乃有汾晉五士羅士龍漢臣連上表少

華李士宏宏老昔晉文漢唐群英張次房漢英孫元齡

公五士故曰汾晉五士張仲遠子猷周孝友子施李顯子揚孝思子

鄭國七子則濟子深王淳張載並子厚春秋傳鄭七子

賦涼州三明劉玄德明夫萬序明之余如器成三足之

鼎李太鼎鎮夫鄧鼎才宜九佐之卿萬澄清卿童偉俊

卿林湯臣商卿陳朝揆正卿施良有一瑞兮冲遠之

臣名卿陳光朝墓卿林叔舉虞卿周千里百駒莫不端

鶚賈脩一端有千里兮圖南之鵬謝鵬圖南

武升堂蔡端武敦詩趨庭劉敦詩如璧之瑩余璧全之如芷

之馨王芷如案之茂葉案茂正如椿之靈萬椿楊椿如梗楠

之美萬椿永年楠億如松梓之青萬松喬年森乎如鉞

之可畏劉鉞轟乎如震之可驚周震皎乎如海嶠之吐

明月

蔣嶠景山

耿乎如長庚之輝衆星

李庚少白

昂昂乎如季梁

之梗槩

萬孝傑季梁陳昂仲昂

孜孜乎如伯玉之老成

潘孜元善劉伯玉

可居天任而澤遠

趙公倚天任楊寓澤遠

可爲王佐而揚庭

王佐才仲

陳獻可

可起傳巖之築

劉傳巖叟

可同舜佐之登

謝阜朋

憲

一夔兮樂作

連憲民式周次鳳一夔

炳伯虎而文興

賈炳作德夏伯虎川之

肇輝先之德業

陳肇德遠許鍾先光甫

諧興祖之家聲

余諧孝仲姚紹宗典

祖汝文兮宜月選而李詮

何鐸汝文李詮仲言

汝弼兮必類進而

方升

陳舜咨汝弼方升中高

述矣乎

王述正矣

有來二客業彼管城

橫陽

許武子龍泉管叔奇來客梅溪以篆字題名

名列甲乙字篆丙丁

丙丁謂篆字也見爾

雅如翼斯飛

吳翼季南

如璘斯燐

王璘德夫

燦銀鈎與玉筯儼壁

上之題名吾徒之秀乃有詞賦兮少雲之作

朱少雲

太



原之老乃變聲律兮祖舜之賡陳少虞於是闡大猷而

溥告之曰李大猷定夫孫溥學必剖藩籬而克已已兼

夫道必舍蹊徑而中行蔣中行先之以孝忱之意萬庚

曾來會課亦與題申之以敦信之誠萬庠申之劉禮欲

安上兮必先自治世林安上仁欲及遠兮慎毋自矜林取

遠湛萬頃以窺憲黃萬頃伯厚妙一唯之悟曾鄒一唯

祖伊尹猷猷之樂許祖伊振仲尼文教之鳴陳之紀玩

蒙亨之爻象李蒙亨俟泰來而彙征萬序勿務世華而


起文通之附夏伯文世華劉文通叔達唐陸淳謚文通

者勿求必達而貪季孫之榮張必達邦彥窮則隱居吳

翁若靖達斯大亨徐大亨凡百君子毋渝此盟

宋王忠文公文集第五十卷





宋王忠文公文集卷五十五



